

928
4
6

陳迦陵文集

六

陳迦陵文集


六

928

4

6





序

陳其年先生詩文流傳海內余所企慕久矣間從諸選家集中得讀其雜咏數首輒歎跌蕩雄渾如盛唐人心益復嚮往之薄宦山左十六年勝薛濟泗間不乏嗜古能文之士偶一論詩都無不屈指其年先生者而吾友孫子豹人鄧子孝威輩尤推服先生不置嘗許其年文字之妙直追秦漢駢儷之工可凌鮑庾詩則軼少陵而駕沈宋元和以下諸公不逮也余既熟耳先生名第未睹厥容貌與之上下論議一探其胸中之奇以爲恨丁卯冬司鹺津門僕僕于魚肆鹽市日與十三賈人子咄咄諳語殊不自聊賴一日聞安平令君賢聲心異之詢知爲先生難弟子萬則大喜過望因索其家刻詩文貽余若干卷發槭而風雨爭飛

珠玉錯落益信往昔海內所以爭傳先生者良有不虛再
四循諷覺斯集真可不朽先生也昔長卿富于辭子虛賦
就得給尚書筆札以郎顯後世文士罔不歎羨其事其年
遭遇不啻過之矣世有懷瑾握瑜曾不得一逢際會而抱
影蓬窻者比比也如先生者可不謂幸哉今讀其詩想見
其爲人旣作誦讀尚友之資復增中郎虎賁之想爲報子
萬當盡搜其篋中所藏勿令他人取去盡以貽予子當付
梓而廣布之以慰夙昔饑渴可也涇陽弟任璣拜頌



序

康熙己巳秋余校天雄士道出安平秋原獨穰田家熙熙
然甚可觀也且稔知邑令陳子萬雅志興教化時與諸生
誦說不倦有潘懷縣之風焉心竊趨之比與子萬晤間爲
道其家世遺書而出其年先生湖海樓詩示余余乃恟恍
太息曰此陳氏所以難爲兄難爲弟也其年先生崛起西
江蜚名東觀鑽研六籍舍茹於子史百家之學凡騷人所
歌吟墨卿所譔述無不抽而思之標而引之以求得其解
不第如韓退之所云非三代兩漢之書不敢觀已也余不
敏辱與同官卽一言一字雅好讀之忽焉不知十年中其
書在其人往矣不禁悵然有停雲落月之感是役也雖僕
僕於趙魏中山大陸之區而肩輿傳舍中旣得讀先生詩

不翅復見先生焉顧且得交子萬則疇昔之懷又灑然爲之一快夫海內之所驚艷而樂道之者皆曰檢討善屬詩若文其駢儷之雅變幻之奇人巧極天工錯卽庾鮑沈宋可作當與抗禮焉不知此猶先生之餘也假令年稱其才使得歌咏

廟堂以垂爲雅頌其功業何可勝道又豈但花晨月夕之下遊名山巨川賦物言志悲歌慷慨也哉嗚乎先生爲不朽矣昔謝康樂每夢惠連輒得佳句千載下習爲美談今先生之詩得無夢令尹君乎請以問之子萬海曲年家弟李應薦題



序

其年檢討陽羨貴公子自其童子卽沾濡家學習聞中朝故事落筆賦詩才名籍甚江表與余相識在戊亥之間中更變故家計益落非復昔時豪舉矣薄游大梁訪舊雉臯多故人寂寞之游所至輒徙倚窮年少亦累月當花對酒感慨悲涼一以文章自遣世所艷稱者其麗體填辭二種然其沈思怫鬱尤一往全注於詩近體似玉川歌行之運筆頓挫婉轉豐縟前少陵而後眉山不足多也然詩益工窮益甚晚歲遭逢幾酬夙志未幾捐館無當室之孤無負郭之產竊念造物之於斯人其奢於降才儉於取遇如此計其所留於身後者幾何假令此卷復就零落則其年竟爲虛生此世矣昔王右丞沒無子代宗命取其遺集其弟

相國縉編得四百餘篇上之帝優詔褒美今安平作吏甚清苦迺能捐俸剗劂爲其兄計所以不朽者比之前人爲尤難也集分年自辛丑編至壬戌歲止共得七百七十八首其文與填辭另有集

康熙二十八年冬十二月崑山同學弟徐乾學謹序

湖海樓詩目

辛丑

二十九首

壬寅

三十一首

癸卯

三十六首

甲辰

四十六首

乙巳

五十二首

丙午

三十九首

丁未

三十八首

戊申

八十三首

巳酉

三十首

庚戌

七十三首

辛亥

四十五首

壬子

三十四首

丙辰

十二首

丁巳

一首

戊午

二十六首

巳未

六十八首

庚申

七十三首

辛酉

五十九首

壬戌

三首

共七百七十八首

湖海樓詩集卷一

宜興陳維崧其年著

崑山葉方恒學亭

合肥龔鼎孳孝升

太倉吳偉業駿公

吳江計東甫草

辛丑

哭趙舍人而忤

不信斯人沒徐思竟果然死應無此法鬼豈罷相憐意外
登床客愁中掛劍年知君埋玉樹偏愛蜀岡邊

其二

一慟渾無極吾生路已迷君愁真賦鵬我到為歌驪
予以送友

沂北上來邪詎意
遂成永訣也傷哉
天定憎文藻魂應怕
鼓輦連朝車過處
頭爲戟門低

其三

前夕銅街滑謀歡
趙勝家雙銜紅綬帶
小立碧油車擲果
年方少吹簫月未斜
只今泉路畔誰唱後庭花

其四

去國浮湘日從親
入洛時家鄉鸚鵡賦
官闕鳳凰池楚些
猶堪續燕歌祇自悲
十年愁出處爾意我深知

其五

聞爾南歸後
嫵媚卷自搜
勇能穿虎穴
細必寫蠅頭
錄史存
禱杙歌騷註
蹇修牙籤今已散
涕泗自然流

其六

全首爲洞門先生也

白髮高堂在天涯
淚眼枯老難拚
愛子前已哭家駒
友沂前已卒於京邸
不見庭前鯉空啼
府上烏潞河風雪夜
音信抵京無

其七

憶昨垂楊渡春江
送汝旋路過神女廟
人問孝廉船出世
販龍象思親作杜鵑
南朝庾鮑盛獨行
覺君賢

其八

京輦連天末羣公待爾
頻如何爲此別可惜
只斯人帝憶青鏤管
家傳白角巾一臺空
二妙又報捕吳均
藺次也

讀史雜感

韋杜聲名尺五看過
江門閣重臺端酒嘗
少府都堂醞食異羣
兒別室餐此日南牙
紛檠戟當時東冶聚
衣冠不堪

漂泊干戈際憔悴桓郎鬪鴨欄

其二

耻從馬槊競勲階生世風塵事豈諧絕憶爲歡日酒何妨作達八關齋白衣失路逢江鮑青史傷心到愍懷猶記永嘉南渡日諸公裙屐上秦淮

其三

駕出龍樓幸玉河閣門侍從共鳴珂詔來文學賢良難擬闢耕田孝弟科卜筮百家堪纂習屠沽六宇恣搜羅蹇予匡鼎慚無補十載窮經枉揣摩

其四

宣武門前響射棚弓刀千騎劇憑陵責言日見移文至監稅還愁榷算增兩姓君王鐫鐵券百年甥舅誓金縑廟堂

歲幣如長策杼柚東南恐不勝

其五

十二銅街報盛秋天陰伍伯叫啾啾戴淵戍主收臺下袁粲軍人送石頭亂世文章還九命古來菹醢足通侯憑君莫話丁都護幕府山南大慮囚

其六

聞道尋陽下舳艫千年形勢熟籌無人言王衍真名士我識桓温定老奴河伯宮開惟娶婦井公臺好只携蒲黿鼉頓徙蛟龍改遺恨江流八陣圖

其七

郭杜山南酷暑煩佛狸從此罷臨軒鶴歸華表青天老龍去中原黑水渾遂使親王皆顧命爲留大姓獨承恩從官

哭擁輜輶出多恐經過漢主園

其八

左樞旄節爛光華制府軍容又建牙特給鼓吹踰十部橫
分麟玉鎮千家主持朝議飛魚袋開拓輿圖獅子花袞袞
興朝多絳灌只餘流涕賈長沙

其九

世皇禮斗朝元殿午夜天壇枯柏陰紫府醮場驂鶴馭玄
都觀壁書龍吟求仙使者黃金藥奉冊祠官綠玉簪縹緲
燕齊迂怪士竹宮桂時日蕭森

其十

吳質翩翩白塵郎若爲投竄到窮荒關當碧海青山界人
在玄貂紫髯旁考掠三年聞滅死飄零一夕只思鄉流官

枉把長城築多恐崩城爲杞梁

其十一

伽藍十里鳳城阿六季風流名理多南國高僧推寶誌東
宮小字檀維摩祇洹淨饌靈猿供舍利精經白馬馱從此
公卿耽惠業擬將玉帶換漁簑

其十二

閱武堂開大將營關東賓客太縱橫飲飛年少能椎墓都
尉孤兒慣射生鐵鎖橫流江萬里錦袍高譙月三更千夫
盡說從軍樂老革黃昏滿一城

其十三

董承嬌女拜玄華別殿沉沉鬪鈿車一自恩波崑戚里遂
令顏色擅官家驪山戲馬人如玉虎圈當熊臉似霞玉柙

珠襦連歲事茂陵應長並頭花

其十四

碧雞主簿到炎方笑指丹崖說點蒼六詔風煙纏五管百蠻風俗雜諸羗滇池草沒戈鋌斷黔國營空帶礪荒爲諭西南身毒國雄藩今已拜真王

其十五

名王乘傳下江州稅畝燒荒百不休譯字每煩中屬國徵符偏壓大長秋觴飛白雪琵琶咽帳舞黃雲篋策愁最是樂陽身手健射鵬親歷海西頭

其十六

頭白延年昨日歸上都風景說依稀玉河花柳春行炙鐵嶺牛羊夜打圍有客高陽纏赤罽何人長樂典黃扉天家

角觥人知少舊曲開元聽總非

其十七

開門一戰捷書收縹緲鯨鯢瀚海頭擊柱宮中呼萬歲登壇閫外爵通侯蓮花繡幕狂排劍桃葉妖姬醉築毬莫訝酬勲無異數梁公今已鎮南州

其十八

白浪青燐戰氣高斷崖殘壁插崩濤纔聞徐福求仙入又報孫恩棄艦逃蒲類海荒驚徙帳之采山迥笑橫刀三山宮闕虛無甚遮莫樓船竹箭勞

其十九

稅罷緡錢權酒酤司農廟算一愁無曾聞歷代初年詔盡賜三軍所過租滄海月明催輓運閭閻春老迫征輸太平

誰切匡時論此日監門好繪圖

其二十

親臣保障八公山密旨三冬竟賜環遼左家聲原日下淮
南仙訣自雲間龍媒踏地犀船歇驃騎朝京虎節閒多少
庾樓參佐在蕭蕭明月照愁顏

雨發延令道中

蕭晨遵修塗揮袂謝賓餞授綬陽已微于野雨初泫僕夫
告沉瘁羈子疲登踐弭節一躊躇川原曠以緬牛羊被寥
廓竹木冒清淺游鱗漾寒流矯羽警層巖歲序聿云暮懷
歸緒輾轉抗策凌迴谿驅車歷荒薜悠悠林樾間遙墟畧
堪辨

壬寅

三月三日庭中牡丹盛開同家半雪賦

道政坊中長綠苔當春猶見數枝開金鈴紫幔都無分日
炙風吹更可哀士女兩京愁戰伐鶯花三月傍樓臺曲江
舊事吞聲甚野老分明見劫灰

其二

絕代名花擅雒陽當時曾記艷姚黃隨風細嫋天津外帶
雨斜開汴水旁雨黑蛟龍蟠玉牒山青麋鹿走金床百年
離黍春前恨頭白逢人說憲王牡丹洛陽第一當時周憲
王藩府初開頗極一時之
勝自河決汴梁故宮失守舊
事不可問矣因對花及之

見鳥爲狸奴所攫食而歎之用梅村集中松鼠韻

春日升南樓課僕芟柴棘呀然樂樞淡歛見蒼鶻立蠢腹
漲膨脗銳頭抱拙惕懼人逆欲高失勢飛難疾余乃撼壁

呼聲強恃理直焉有翰墨塲容此野鳥突況又戶牖扃難
受逋逃逸一呼翮已倦再呼追正及可憐一入手馴擾如
熟習吾家有嬌女績麻日尋尺傾筐出針線懼彼復騰擲
繫之欄楯間試以詘其力嗟爾鳥來前貴賤理則一爾我
無詐虞何由被羈繫吾家讀書樓少保所開斥本以藏琴
書匪供爾竄匿奈何白晝間公然相主客樓西纏枯椶樓
東偃死柏雷劈翠鬣焦雨落蒼皮濕爾可長子孫爾可覓
衣食告爾爾不聞爾反此闌入架上鄴侯籤穢汚恒狼籍
畜怒我不言賈勇爾奚益崑山小石壁酷愛肌理白傳自
處士公婆娑見手跡詎忍瑩潔姿亦受黥汚厄我又昧作
家不曉什一息荒田失耘菑廢圃少種植破囷露餘糧悉
從齒牙摘爾復肆老饕呼朋健越陌蹂躪及芻藁踐踏到

簞笠侮我詎一朝禦汝無片策我今姑小創爾後無入室
主人墨者流梵夾曾手葺爾亦血肉軀忍不相矜惜江湖
莽浩蕩乾坤大几席誓令天上騫免作盤中炙努力食殘
羹強起餐遺粒所媿主人貧粗糲無委積語竟解其縛縛
急繩阨塞解繩未及終決起墜牆壁誰何狸奴蹲踞竇伺
其急磨牙橫咀噬排爪如密櫛利害轉盼間世事鬪疎密
計泄遘速遭肉躁受搏擊但知前可圖不料後有敵智短
值豫且途窮困烏獲嗚呼處斯世萬物相煎迫求生貴有
道逃死亦多術我心五嶽興懷抱填於邑眼前細碎多亦
使心竟粟劉項互縱橫雞蟲喧得失於茲悟至理勿效兒
女泣拄頰看二豪委懷視七國皇天速報應刑罰用淡律
田蚡傾寶嬰范睢避蔡澤自古已云然誰怨復誰德

惆悵詞二十首別雲郎

作客天涯四載餘
江城燈火倍愁予
一枝瓊樹天然秀
映爾清揚照讀書

其二

乍見筵前意便親
今生憐惜夙生因
莫言自小青衣賤
也是江淹傳裏人

其三

命不如人黯自傷
只緣家難帶他鄉
旅窗若少雲郎顧
海角寒更倍許長

其四

中酒將離思不禁
年年桐樹碧愔愔
物猶如此難爲別
悵無言淚滿襟

其五

落拓分司老更狂
半生踪跡總他鄉
分明記得從前事
鈿笛牙籤共一床

其六

弱柳輕雲盡可憐
當時身畔鬪嬋娟
柳條今日歸何處
祇剩寒雲似昔年

其七

薄命都由技藝工
憐才那復古人同
平原座上人如許
獨酌椒漿酌馬融

馬羽長先生最愛雲郎時已沒矣

其八

記得端陽五月中
君曾薄醉倚疎櫳
分明一幅瀟湘水
斜墜明霞數縷紅

其九

三鼓出門烏夜飛五更還家星宿稀水晶樓角幾時煖獨坐待君歸不歸

其十

不歸獨坐到天明斜倚香篝嘆息輕鼠踏箏絃聲窸窣錯疑人叩獸環聲

其十一

豐樂橋南白酒旗大夫廟後綠楊枝而今綠盡何須恨曾見羊車絕妙時

其十二

城南定惠前朝寺寺對寒潮起暮鐘記得與君新月底水紋衫子捕秋蟲

其十三

洗鉢池頭弄玉荷荷開浪滑畫船多不知何日蘋洲岸重聽徐郎水調歌

其十四

歸棹原期七夕前維摩因病暫相牽那知看過穿針會無數傷心到眼邊

其十五

玉碎花殘畫閣前相依無計說相憐只今掩面看歌舞愁殺天涯玳瑁筵

其十六

池塘秋水碧粼粼細草沿堤軟似茵寄語高樓休挾彈鴛鴦終是一心人

其十七

鵲腦將殘酒再斟此生何以報知音斷紈碎墨無多語珍
重文人一片心

其十八

征鞍每歲愁中跨短棹今年病裏還自是離人無限淚平
添秋水到吳關余自東臯歸每歲從陸
今秋水已直接驥沙矣

其十九

別時爾母病闌珊門戶蕭條藥餌難他日高堂強飯後臨
風覓紙報平安

其二十

瓊花觀裏無窮樹雪壓霜欺總不妨獨有一枝憔悴甚願
邀雨露到東皇

蔣大鴻悵悵詞序曰徐生紫雲者蕭鄂州尚幼之年李
侍郎未官之歲技擅平陽家臨淮海託身事主得侍如
臯大夫極意憐才遂遇穎川公子分桃割袖於今四年
雖相感微詞不及於亂若乃棄前魚而不泣樊軒車而
彌愛真可謂寵深綠鞵歡踰絳樹者矣維時秋水欲波
玄蟬將咽公子乃罷祖悵而言旋下匡牀而引別江風
千里詎相見期厥有悵悵之篇曲盡離憂之致僕豈無
情奚能勝此傷心觸目曾無解恨之方拊節和歌翻作
助愁之句一時同人
爭和是題詩多不載

秋日泛水繪園洗鉢池

秋水滑如綾量之不能尺女兒語篙師何似羅裙白

贈蔣氏

銀燭澹瑤天金尊敞別筵如何未及發忽見渡江船船頭
載蔣生船尾戛秋烟手持綠玉杖口誦青霞篇曩游君憶
否憶在鴛湖口枉渚採紅蓮迴谿塞碧藕雜紅蓮樓
邊映水邊歡當三五夜儂有十千錢入門各自媚出門解

相憐一別風塵中思君比流泉石頭城上月圓景何曾沒
照得六朝人白盡千秋髮此地又逢君烏啼夜已分尋君
桃葉渡呼我鮑參軍俠客櫻桃帳倡家蛺蝶裙相逢成一
笑不復嘆離羣吳頭亘楚尾篙師黠如鬼大編下長江握
手詎能幾我去上揚州瓊花落幾秋江都花月好今日使
人愁呼鷹隋苑側走馬蜀岡頭倏忽四五年幸舍長淹留
歷歷寒山寺聞寄相思字不見寄書郵空洒懷人淚君住
種山陽幾載發錢唐謁帝三天子躡屨赤城梁古來勾乘
地不減祝雞鄉如經禹王廟還飲玉妃漿迴首若耶溪姓
氏徒芬芳五千君子國不及一紅粧疑有傾城人娟然浙
水旁綺羅儻未邈髣髴明璫八月金飈起車輪徂地肺
招手大茅君長揖華陽子華陽遠建康龍虎鬱相望定有

金庭客來尋丹竈方攝山空飄飄高座自青蒼翩然不可
遇直過廣陵鄉君欲到淮南我欲辭江北載汝上舸艖同
汝還鄉國我家罨畫溪久廢蓼莪詩兩親猶未葬雙淚自
然垂待卜青烏宅煩鐫黃絹碑人生重相見相見莫相離

方竹杖歌爲萊陽董樵賦

山東董樵忽見訪入門手持方竹杖我亦生平屠狗人對
此蒼然屹相向董樵董樵真吾徒胸中豪氣無時無談兵
肯事東諸侯作騷直學屈大夫翻然南下浮東吳亦復窈
窕尋仙都廣陵城外秋風冽黃鬚半作蝟毛磔喚我同登
大酒樓此竹由來爲予說今年三月游金華丹梯紺壁凌
朱霞采芝偶入鳥傷地看竹閒過衛鑠家此竹檀欒不易
得愛之拍手徒咨嗟倪家女子非恒流知有人間韓伯休

湖海樓詩集卷一
劇來恰贈一竿竹伴我名山禽向遊我聞此言揮百杯醉
餘不合成悲哀瀟湘斑竹竟誰在九疑荒塚生蒼苔況聞
官軍大戰勝今年印杖西南來方圓柄鑿不相入爾持此
杖胡爲哉勸君携歸玉女盆前住不爾此杖驍騰作龍去
懊惱曲
依稀無月亦無風靜掩金鋪賦惱公憶得雙鬢人似玉後
堂曾許婿安豐

阮亭紀事

秋風憔悴謝芳姿瘦盡瓊花第一枝總是玉人橋上月清
光還似定情時

其二

金鑰銅魚見淚痕依稀只隔一重門籠中鸚鵡無他語只

向迴廊說舊恩

將發邗關舟中贈黃海孫無言

涼秋九月雜烟雨木葉蕭蕭下江渚客纜猶遲隋苑潮歸
心已到瓜洲樹孫郎追餞出城邊邀我高吟黃海篇片帆
已掛留不得旅愁別緒紛相牽君不見芙蓉之峯三十六
黛溪紺竇飛丹瀑玉乳唯容道士餐銀房只許仙人宿孫
郎孫郎多苦辛年年書劍老風塵月明徒有還山夢白鹿
青猿思殺人

登五狼同戴務旃無忝范女受賦

我今拾級登五狼彥龍安道同徜徉天風吹我落天外乾
坤一氣殊青蒼琳宮紺殿莽欹仄丹崖翠巘紛低昂解鞍
頓轡一脫帽掉臂直欲凌扶桑須臾藉卉臨高岡憑闌白

畫陰風涼江流注瀉靜如拭萬頃窈窕玻璃光少焉蹙沫
迴龍堂喧厯鞞聲鏗鏘珠濤雪浪吼終古蜃樓貝闕何
琳琅男兒哀樂不可當倏爾懷古心悲傷我聞此山始嬴
政掃除六國稱秦皇揮鞭鞭石石入海五老屹立形爲僵
又聞隋煬駐帳殿戎旃江水相輝煌南朝天子歌玉樹隔
江此地磨干將填胸興廢說不盡與客且復趣傳觴舉觴
一酌吾竟醉烟江之外吾家鄉十年漂泊不自得不如沙
鳥隨帆檣慘焉罷酒卧精舍忽覺明月窺繩床

癸卯

留別

蘸水漫天一樹綠依稀記得婦人時感伊移種金溝日還
認停鞭馬上兒

其二

一番歡笑一番愁來是春淡去是秋誰料樊川狂杜牧半
生覓夢在揚州

書小徐郎扇

雲郎
侄也

旅舍蕭條五月餘菖蒲花下獨躊躇
筵前忽聽鶯喉滑此是徐家第幾雛

酬別渭公

回首金飈拂御溝與君俱作石城游
鎖闈紅燭玲瓏夜驛路青楓窈窕秋
亂後功名同濩落歸來風雨對淹留
只今爛醉登高酒重話南朝八月愁

過崇川訪家善百善百作長歌在贈賦此奉酬

與君共醉城南壚狂鄒詩士憨董文友同歡呼澹娘女伎老大澹生

頗善伙三徐女伎江東無史家園上開芍藥陳郎風調亦
不惡踏歌聯臂號酒徒十日平原大笑樂別來潦倒心可
憐詩賦何曾值一錢東臯作客五六載阿徐謂雲也日日相
流連聞君近日亦失勢十年罷官不得志李廣偏遭醉尉
呵范睢正被穰侯忌石頭城下江水流直上蘭陵之酒樓
彈箏使酒且六博那顧世上龍頰侯君歸病向故園臥軍
山山下北風大長鬚忽報客非常小弟翩然却相過開門
喜極喜欲狂脫巾大叫驚兩旁據案酌酒頭盡沒海天一
夜成青蒼城西白生紅錦靴邀來爲我彈琵琶絃聲拉雜
似人語別來萬事吾語汝鄒董於今盡老夫史家園子竄
狐鼠澹娘踪跡更茫茫聞嫁江頭駟儉郎金郎已入侯門
去花想還歸內教坊金郎花想俱徐家女伎名世間聚散真可傷阿兄

憔悴眠匡牀小弟明年亦四十轉盼不得誇身強兄時約
我阿徐至強我引滿黃金觴我知此語徒虛耳翻然百感
填中腸言罷琵琶正終曲參橫斗轉殘燈綠

陸放翁硯歌爲畢載積使君賦

畢公古硯硯最奇相傳南宋年間物塵黠苔斑歛識無心
太平菴字髣髴硯背有心太平菴四字瘦如碧珪出禹陵

瑩如寶刀來突厥苦遭鑱削只簡傲便委泥沙還疆倨此

昔沒於水罟師以網出之江頭風雪欺醉漁漁翁拍手來捕魚無何網

重舉不得挽起却是紅碑礫漁翁見此心躊躇流涎麩車

何計沽正遇項大夫贈爾黃金蚨公然吃付平頭奴秋風

秋雨經江國閒卧官衙論胸臆自是男兒一片心持硯贈

公惜不得我公笑向菴名指猶憶劍南陸老子當時此老

最不凡劇於駿馬脫轡街巴烟棧雨一千里夜獵雪壓乾
紅衫文彩風流偏徒舉蕭騷老鬢奈何許蜀國絃悲憶酒
徒竹郎廟冷思倡女卽今人去幾百年硯亦飄零走道邊
銅盤去渭還流淚石闕啣悲也可憐我時末座聞公語謂
公平古公無苦世間一物必有神古來萬事豈無主君不
見銅雀瓦年年屹立高臺下少被曹家女伎憎老愁鄴下
官軍打硯乎硯乎何太樂前遇陸游今畢卓

贈山陰呂忞字兼懷錢去病

杜陵與我交不薄常道呂生及錢霍呂也栖栖江表游錢
兮販販淮南幕寒冬海水吹枯桑呂生相見官舍旁主人
愛客客笑樂片言契合神飛揚十年姓氏有人借滿臆填
胸淚傾瀉綠鞵弟子工唱歌青娥美人善行灸世間萬事

真可憐酒酣踟地爭喚天壽王已天鶴客死杜陵腰下無
一錢漢槎彩筆偏流戍奕喜紅顏竟配邊江東一半酒徒
盡而我與君非少年此中作客無一可萬騎桃花色如火
遮莫藏名賣醬家不然且擁名倡卧聞君徑欲游山東狐
裘鞅鞞鳴角弓男兒那能日刺促會須一識燕昭宮韓信
城邊遇錢霍道予問訊今何若

贈范女受

時女受
年四十

三月春城與君別山茶花紅啼百舌十月寒江又遇君雪
花欲下白紛紛山茶落盡不堪折楚雁天邊那忍聞流光
一似流波急況復君年又四十

仲冬九日崇川署中卽事

彈罷金樽酒不辭自言雙鬢竟如絲依稀記得調鷹處盼

子城東月黑時

其二

隋苑羅生能賣藥

羅惟悅

鑿江王叟妙彈棋

王仲超

與君酒綠

燈黃夜坐讀山陰調笑詩

時共讀呂生絕句

顧尚書家御香歌

獵獵朔風翻毳帳營門紫馬屹相向陳生醉杓珊瑚鞭蹀躞閒行朱雀斫顧家甲第高於天顧家父子真好賢開門揖客客竟入留客不惜青銅錢玉缸潑酒酒初壓秦箏促柱彈銀甲綠鬟小史意致閒却愛微紅添寶鴨陳生此時聞妙香欲言不言魂茫茫心知此香說不得得非迷迭兼都梁主人重取蘭膏蕤此香舊事還能說憶昔初賜長安街金甌天下猶無缺至尊桂殿日齋居千首青詞錦不如

綠章夜上龍顏喜第一勳名顧尚書嵯峨紫塞榆關道白雁黃沙風浩浩萬馬奔騰夜有聲三關蕭瑟春無盜尚書辛苦鎮居延絡繹黃封賜日邊非關小物君恩重爲許香名國史傳鏤金小盒宮門出中涓一騎紅塵疾親題萬顆小金丸猶是昭陽內人筆只今滄海看成田留得天香幾百年攜來綺袖人誰問熏罷銀篝味不全白楊已老尚書墓世間萬事那如故主人語罷客亦愁留客牽衣客不住君不見客衣零落詎堪論半漬香痕半淚痕忍看天寶年間物我亦東吳少保孫

贈王仲超

江左蕭蕭老畫師酒酣雙鬢漸成絲十年曾看巴陵景合墨空齋寫楚辭

五山酒人歌贈孫楷人

青天萬事無不有五山酒人竟無酒醒來枉負酒人名鄉
里小兒羣拍手世間何物能消愁婦人醇酒真奇謀陳生
一月江北坐眼中不見倡家樓登徒好色愁欲死孫郎貪
飲無麴米兩人懷抱幾時開男兒同病乃如此君不見長
江之水去復來吾徒詎合常悲哀何時戲擁如花女笑看
孫郎乾百杯

贈陳菊裳

陳精繪事

藥欄鸚鵡睡銀屏斷續茶烟裊夢醒欲識南朝真處士綠
楊門巷買丹青

畢刺史招同諸子讌集韓園歌以紀事

廣陵城頭花正飛廣陵郭外春欲歸山東太守大置酒遍

召城南諸布衣旦日會從賓客飲夜闌雨打珊瑚枕春泥
滑滑幾時乾鼓聲統統那便寢曉來鶯燕坐東風忽報盡
梁朝日紅披衣驚起看天色急買雙漿搖晴空玉鈎斜畔
金絲柳人家半住紅橋口夾岸綃衣捲處輕隔船水調聽
來久園門斑竹粉離離正是蘭舟初到時朝霞小着櫻桃
樹春水亂拍垂楊陂迴廊復閣參差見主人揖客開芳讌
彈碁格五各縱橫賭酒題詩互游衍須臾眾賓坐滿堂梨
園法曲調宮商青春有恨唱淥水白晝不語凝紅粧誰家
冶游白面郎三三兩兩誇身強鞦韆旗下看春去翻身捷
下南山岡此時歡樂不可當為君立飲黃金觴君不見坐
中彩筆健如虎太守風流映千古天意剛留一日晴江聲
又作三更雨

招林茂之先生劉公敞比部小飲紅橋野園越日茂之先生賦詩在贈奉酬一首

遲日和風汎綠蘋
飛花落絮晉紅巾
此間簾影空於水
何處琴絃細若塵
水上管絃三月飲
坐中裙屐六朝人
獨憐長板橋頭客
白髮淮南又暮春

送孫無言由吳閫之海鹽訪彭十駿孫時無言刻程村駿孫阮亭

三家詞特過海鹽索駿孫小令

具區之峯七十二
莫釐縹緲羣嶺岼
吳宮廢苑日蕭瑟
洞庭春水空瀾漫
狂夫七載客江表
舊游冷落增長嘆
松陵高士推顧况
謂顧茂倫獻歲寄我雲中翰
銅坑老梅數百樹
何不刺艇來盤桓
我時正作廣陵客
吳孃蟬髻相逢難
佛狸城畔遇孫子
大叫缺臂同追歡
紅橋絲柳酒帘挂
見此詎

復愁眉攢無何告我渡江去
布帆徑欲游鹽官
問爾作裝有底急
鱗魚正美堆冰盤
君言一事繫懷抱
越中彭十今秦觀紅牙小
令風格妙字字可付吳姬彈
我行適越苦為此千里那顧行
蹒跚孫郎語竟杯已乾
陳生送客春將殘
橫江估舶大笑汝
白晝濁浪生波瀾
韋莊牛嶠好詞句
此事何與卿
饑寒舟行倘過王珣宅
切莫懷古心悲酸

和呂忞字紅橋詩

新街原在新城裏
紅粉油竿酒旆挑
更過東頭轉西弄
瓦房低處種櫻桃

其二

關東大賈坐城闔
積錢百萬高隱人
郎來一擲片時盡
出門笑拂紅羅巾

其三

最愛吹簫斑竹好愛他生長在瀟湘同心誰打紅絨結知是春閨新嫁娘

其四

馬中赤兔人中布十首紅橋絕妙辭誰把喻麋重疊和江南愁客杜分司

將發如臯留別冒巢民先生

憶我過如臯太母正懸悅是爲戊戌冬層冰莽寒厲同行一老僧衣垢鞋襪弊擔囊甫到門僕馬立街砌先生喜我來圓方選芳脆令弟喜我來傾筐爭擁篲令子喜我來齊肩若棠棣雜選溢賓徒歡噓及奴隸阿雲年十五娟好立屏際笑問客何方橫波漾清颺先生顧我言此會有神契

坐我溪翠房令我習文藝白日張華筵中夜明燈繼東臯贍才華數子悉英銳我時一詩成和者盡佳製先生更道拔刻燭布奇勢偏師出老蒼焚舟大河濟歌罷書齊統銀鈎細如蝸有時更怪偉泚筆絕凝滯巨壑赴修蛇一往不可制顛狂浹月餘擺脫諸一切擊鼓彈秦箏撥盡琵琶捩七尺老瞿瑜狼籍雜唾涕無何文孫生賀客走庭幣美如荀氏龍雄若孫家獠湯餅宴未終椒盤條踰歲新年戴生至務旃高齋日聯袂雙開玳瑁筵並擁木蘭柶荏苒六七年華軒命予憇吁嗟數年中舊事不堪計浮雲有返期孤客無根柢憐我王公孫愛我早年惠北風使我寒衣我以文縑長征使我饑食我以蘭桂太母具酒漿中婦製魚鱖我家有高門乃是尚書第歲久柱傾欹風雨將不蔽先生

爲葺之庭草一以薙我父與先生秦淮舊兄弟有子葬未能覩顏類狗彘先生爲助之墓門得以閉文史相切礪道德相砥礪要之以金石申之以盟誓余本王謝兒鄙性惡拘繫作人喜聲樂獨宿語多嚙先生實知余體恤無不逮感激在心脾料理到微細嗟予業未精歲月忽以逝兩戰兩不收霜蹄一朝蹶我聞長安街連雲矗扶荔金張許史家敝裾尚堪曳逝將舍此游願言一謁帝陽春二三月淥水正溶濟扁舟過先生話別去燕冀是時水繪園花木極明霽口中生石碑腹內挂車轄男兒重感恩淚落連珠綴阿雲久侍予憐其母新斃坦率易失驩與人多睚眦念此尚難忘上者那能替千秋鮑叔恩前修以爲勵

歌贈杜于皇

我昔住冶城家近石子岡魏收能弄戟敬則解拍張江東冠蓋爭輻輳臺下山川本鬱蒼一代清流歸太學六朝艷曲有諸郎至尊晝坐黃金床牙籤堆滿中書堂瑤星不動澄少海二十八宿羅文昌肥牛大肉啖崔蔡輕軒細馬馱班楊中官赤棒避文士布衣白恰多輝光杜陵二十游京國青春彩筆增顏色豈惟公等增顏色僕亦翩翩有人識風塵瀕洞羣僮來華林賓客安在哉杜陵老大不得志頭白只向江頭哀蜀岡柳絮正堪把逢君揚州古城下揚州酒價不肯低眼看高樓淚如瀉君不見飛龍廐下諸小兒轟隱夾路青絲騎又不見東家買得近蹠蹠人奴詎受侯家笞天生此輩真俊物爾曹嘆喑空爾爲

爲阮亭題秦淮春泛圖

濟南城中王夫子文彩風流古無比錦裘大獵蜀岡頭金
尊小飲秦淮裏秦淮樓上多女兒秦淮樓下歌竹枝船窗
水閣一干處日日飽看青琉璃憶昔秦皇初鑿此赭衣役
盡驪山子大呼口亥并斯高王氣若存無此理龍行虎步
終非常江東霸業何堂堂巴巫許洛曹劉據三分鼎足誇
孫郎紫髯一去奈何許從此江山歸典午劉石紛紛盡讀
書新亭名士只歌舞六朝君相無事無可憐最是袁司徒
鍾山隱士李後主傷心畧比陳黃奴舊事千年如覆水景
陽宫外啼鳥起昨日秦淮唱拔蒲猶有殘春後湖裏此時
忼慨王司州東方千騎坐上頭廻身竟下寶釵樓張颯直
上沙棠舟東風淅水正瀲灩酒闌懷古心悠悠牙檣錦纜
落紅雨官舫塞峩此間住兩行小吏艷神仙爭寫君侯腸

斷句須更柁樓燭燈張中流簫鼓聲蒼涼春江花月江南
夜妙寫丹青顧長康蔓艸零烟三兩幅春水家家生苦竹
依稀高詠羨王郎風前柱頰顏如玉紅板橋頭鶯語頻小
姑祠後雨絲新官今莫作秦淮曲身是南朝被酒人

和阮亭冶春絕句同茂之于皇祖望豹人澹心椒峰
我來揚州春已暮無邊綠柳東風吹人生眼底不作達辜
負城南雙畫旗

其二

與客且啣金屈卮錦帆天子繫人思孝廉聞一當知幾瑣
瑣興亡君怨誰

其三

一帶蕪城織野烟三春板渚亂寒田傷心錯到平山路不

獨江南事可憐

其四

笋芽芹菜越梅酸
鱖魚薄切如輕紈
江南櫻桃幾時熟
乍可便堆紅玉盤

其五

寒食家家爭掃墓
白楊村裏濕紅冰
狂奴笑指新華表
此是人間佳射棚

其六

文選樓空畫壁虛
行人弔古日躊躇
六朝流水千春夢
多事官家好著書

題孫豹人小像

月黑山深射虎還
酒酣豪氣露樽前
秦關隴水三千里
流

落孫郎二十年

贈別冒青若

紅板橋頭折柳絲
東風催唱鷓鴣詞
一江春水昏如夢
腸斷清河送別詩

題唐六如綠楊紅杏圖阮亭屬賦

江南二月春滿陂
迴塘杠渚相參差
樵風稍便落空翠
漁舍忽接生烟絲
白魚衝破淥波色
流鶯啼上桃花枝
山水自是天下絕
何況風物爭清奇
我家本住善權下
十年飽逐羣兒嬉
竹枝夜唱小姑曲
銅鼓曉賽周侯祠
畫溪花竹頗不惡
草香酒熟還招携
別來憔悴客淮海
兔葵燕麥空離離
運租船上一企脚
曠然雲水增傷悲
今晨偶過羸提閣
知音促坐王僧彌
自言愛畫入骨髓
示我一軸何淋漓

關仝細斲作點染吳綾滑賦元如脂心知此是六如筆睽
目直視徒嗟咨嗟乎六如本豪士少年獻賦黃金墀斜風
細雨長楊館爛醉銅街要馬騎老來蹭蹬饑欲死鄉里小
兒呼畫師昌門笑挽徐昌穀拍手狂歌無不為唐生墨妙
天下知王郎亦是神人姿高齋盥罷日相對第一丹青絕
妙辭舊游獨惜我冷落舍南舍北啼鷓鴣風狂江水鱗甲
動徑須歸卧南山睡

贈穀梁

甲午之秋我三十臺城城下一逢君卿年倏忽復爾爾那
不老我髯參軍

其二

銀濤南海水吟嶼岸上晴螺九疊青六歲獅兒偏跳盪月

中人在玩珠亭

穀梁六歲時從大父憲
副公登粵東七星巖

其三

怪底時賢枉讀書曹劉沈謝豈關渠愛君側帽微風裏妙
悟公然獨起予

甲辰

偶做西崑體次阮亭集中韻

犀押花紫蒜金缸雪灑荷迴眸防小玉緝額漾橫波鏡裏
私通笑簾前小唱歌聲能調火鳳家本住紅鵝人號風流
甚詩稱綺密多冰絃彈阿濫檀板拍紇那阿濫堆曲名紇
那俱平聲亦曲
也見劉賓客竹枝詞綠暗眠蠶薄紅攢乳燕窠風情迷下蔡才調惑
東阿憶爾人如玉於時天似羅文鴛才許嫁金犢已頻過
旖旎垂人柳纏綿訂女蘿東牀曾有主西邸豈無柯寵以

量金得嬌應買駿馱濃驪翻歛怨小恚轉成嗟暮雨烘獅
錦新晴放雉囿炬花搖夜蜜船玉泛春犧倭僭簪雙勝縵
緣綻五紵但能工擁髻詎擬定鳴珂婉婉寧須爾分攜奈
若何懷香腸細轉惜玉手輕搓舊誓消烏鰂新愁驗綠螺
竹郎祠畔樹聖女廟旁莎刀尺遲賓雁眉稜損子蛾寥寥
吹象管軋軋理龍梭夢去渾傷酒書來正抱疴他年逢穆
護今世禮維摩極目江南水迢迢驛渚迤

倣長慶體次阮亭集中韻

鈎弋夫人後修嬾弟子行三條斜博望七葉直明光愛飾
紅椒壁貪居青漆房艷情淡婉嬾雅步妙相羊小髻摹孫
壽新詞學韋莊烏絲描筆格玉尺鎮書囊綠柳愁中弱紅
蘭靜裏芳軸簾嗔小婢却扇昵諸郎屏畫蕃家馬衣薰心

字香小寧同碧玉貴合擬金堂記識柔奴面纔扶阿母床
銅街何怕問白日未渠央夏五書尤擅秋千戲最長一雙
紅蛺蝶十二紫鴛鴦犀盒安蛾綠牙筒注麝黃鶯啼宣曲
里騶哄善和坊金斗燒紅獸文簫叫紫凰春山低楚峽秋
水入巴湘漸有前裙約俄逢蹴鞠場鬪輸園內草採剩陌
頭桑吹笛櫻桃煥挑琴春笋涼晨鐘邀共聽夜月許相望
一破陳宮鏡重迴越女腸頗聞憐宋玉似說嫁王昌粉褪
陽臺夢丹流漢帝創已多新訣絕猶憶舊清揚顧我真詩
瘦如予定酒在中年情曲折小事記精詳剗襪冷髻髻更
衣開掃粧指揮平樂價捉搦汝南王薄袂岷毫織单衫薰
葉纒祗期梁案舉妄意蜀壚當空翠迷中閣輕紅想下裳
尺書勞計吏小令惱前廊

賈彦章妻詞云貪
做前廊忘却迴廊
往事燈邊話

閒情雨後傷年年紅豆熟消息杳盤塘

秋聲

水渚風潭極望平涼颺昨夜到柴荆客來吳苑聽偏苦雨
過巴天響易成颯沓定隨帆際落蕭疎疑向驛邊生空堂
單枕欹將遍何限傷秋宋玉情

隣鐘

和穀梁

牆邊復枕邊若斷又還聯響似兼僧磬聲曾到客船半生
堪悔事五夜欲明天此際愁聽汝篝燈倍惘然

隣燈

和家弟

百感三更後誰家火尚存只知添白髮偏不照朱門燈下
爾何事雨中人斷魂詩書成棄物鑿壁總休論

隣船

和家叔

解纜纔移艇鄰船又唱歌停橈一借問何處藕花多舟子
向前指烟江晚欲波水澗不相礙同去摘新荷

隣笛

和山濤

一曲古梁州咿咿吹不休將毋是思婦或者在高樓向月
人偏老迎風夜已秋相看有烏鵲飛遶北山頭

隣亭

和巢民先生

高閣漾疎汀烟波接窈窕參差風簾綠幕壓水簾青世換
門全改人稀戶半福所嗟芳草外更有短長亭

隣歌

花月極明夜雲山俱淡時此中情似水何處曲如絲亟復
移床聽旋來倚笛吹唱歌人不見小立費相思

隣花

和無譽

隔水小橋橫沿溪亂圃平東風渾爛熳一樹最分明的
安難定戎戎畫不成比隣來往熟花發便相迎

隣鶯

和仲光

借得枝頭宿飄零別五湖有情論舊事能語累微軀風急
聲還斷牆高聽轉無鄰家居不易緘口是良圖

新茗

草際落微雨竹邊生晚涼此情那可說是物最難忘來共
家書到閒從野叟嘗故山歸未得細啜當還鄉

新荷

和延公

山光寺外過官柳尚垂絲及到如臯日新荷已滿池錢輕
爭自貼葢小正堪持莫待三秋後空房使妾悲

新竹

瑟瑟負簾竹陰陰過短牆已抽千片玉漸作一庭涼此日
耽蕭散他年必老蒼甘蕉須避汝會見出彈章

沈約有修竹彈甘蕉

新桐

和遷于

涼颼生北牖纖月墜西林乘興且長嘯無人知我心因之
高齋夜坐彼修梧陰此境已幽邈無勞張素琴

新綠

和子經

四月江南道清陰一望平慣從衣上落時向水邊生高映
滄江色低含碧草情年年梅雨後濕翠總難名

新漲

急響簷牙溜澄泓滿曲塘水雲空一色蒲柳亂千行溪碓
喧幽竹烟簑插早秧捲簾凭草閣極目愛微茫

新暑

和文虎

江店萼綠滑山橋笋菜肥流光一相問春色頓然非喬木
陰長晝澄潭網落暉北窗須早葺屈指到炎威

新聲

和青若

簾幕晚冥冥烟濃宿酒醒何人傳此曲昨夜未曾聽欲闋
檀槽促微訛象板停擬偷三兩調斜倚小雲屏

水繪園雜憶歌

憶昔作裝游東臯橫江惡浪掀天高浪游少住六七載名
園日日來遊遨主人磊砢美無度伐甕不惜開醇醪其餘
賓從亦竒絕右手持酒左蟹螯鉢池一區正明瑟極浦花
竹風蕭颺隔溪嫋嫋盡垂柳夾岸灼灼多天桃綠崖被澗
照巖谷紫烟弄雨遮城濠澄潭白魚似人立有時偃強風

雷號擲銀跳玉委風浪頃刻呀呷騰波濤亭南老樹頽偃
蹇屋後峭壁何堅牢月明蒼鼠走石竇雨黑山狖餐松毛
浯溪水道更環繞烟雲一碧相周遭秋江綠色恣點染往
往左右來烟船習池風景說不盡追憶數者心煩勞皇天
瀕洞倏破碎萬事有數誰能逃一朝大水沒廬舍桃花萬
樹埋蓬蒿石山崩塌古松死龍虎失勢狐狸嗥前年伐鼓
斫楊柳今年竭澤供老饕迴溪細路通不得誰歟健者東
家豪我今稅駕復來此園林夏日何陶陶諸君河朔盛文
譙我亦負弩隨韃囊悵然懷舊念所歷愁如鷓鴣求其曹
西軒一雨涼不歇極目江海凝秋毫

耕巖草堂歌

有小序

出宣城西門六十里穿麻姑嶺抵紅陵橋未抵橋

十數武折而東尋小徑攀緣六七里至宋家庄更
行迤百十許步爲盛塘一名剩塘塘以剩名亦卽
楞柳州愚溪意循塘而入則耕巖艸堂在焉草堂
爲耕巖沈先生隱居處門首水木明瑟花竹平遠
紅柏被坂白枳映渠每當墟烟半歛樵歌稍斷夕
陽零亂敬亭麻姑諸螺髻高下滅沒一一可數洵
耿耿之幽棲矣崧以甲辰秋闈過訪草堂先生念
故人子遠來唏噓握手肯牽一宿燈下出始山事
錄一卷示余愔怗太息因念先生當明思宗時赴
辟召至都門席不暇煖卽詣闕三論楊相奪情事
事雖寢不報天下聞而壯之厥後楊相縊熊尚書
戮獻賊橫宗社卒以三鳴呼當先生廷論時舉朝

不言卽一二賢公卿言疇先先生言者曲突徙薪
首功哉展卷旣訖先生復追述遘亂以來崎嶇金
華山中事因漏下不成寐明日紀以詩名耕巖草
堂歌堂額爲清漳黃石齋先生書書作八分體戈
法嶮絕如顏魯公握拳透爪狀板則巧以粉地填
以糝綠葢癸未春先處士公代製以贈先生者門
堂雖無太傅形象亦復使二鍾入門便大感勵矣

耕巖先生天下無耕巖草堂巖壑殊琪花瑤草自窈窕丹
崖紺巘紛紫紆金支翠萃白玉鋪矯首便欲凌新都新都
芙蓉三十六朶朶削插紅珊瑚先生草堂讀道書鸞歌鳳
吹簫笙竽左蹲白鹿前蒼狐手捫文脊攀麻姑下騎琴高
雙鯉魚憶昔皇帝開石渠玄纁加璧徵大儒先生忼慨登

赤車談笑擲却終軍襦是時天下憂萑苻瓜蔓楚豫盤巴
巫十年殺人克朝餽我皇赫斯坐殿隅誰何仗劍鳴伊吾
賜卿甲第宅一區將軍楊僕轅下駒自言三載當獻俘鳴
呼將軍亦有父不見飛鳴呀呀城上烏父死不葬烏不如
安能爲君殺賊奴先生伏斧鑕頓首趨青蒲我皇孝治高
黃虞墨纓金甲胡爲乎長安貴人啜汝愚草莽奚爲將虎
鬚三疏不報心躊躇幡然歸卧隆中廬側聞含元殿列坐
竊與瑜九疑帝舜一朝去小臣哽咽攀龍胡又聞蒼梧王
橫踞玄武湖一馬爲龍食龍子丞相併欲磔汝徒先生亡
命尾畢逋道聞代馬侵南徐會稽盾甲諸大夫時無種蠡
疇援枹仰天長歎心煩忤紫微巖洞何崎嶇金庭鳥道風
雲孤一朝風起思葦鱸芒鞋歸老陵陽郭姑山猿鶴相護

呼晴嵐爭獻媚烟嶂羣奔趨嗚呼耕巖草堂巖壑殊耕巖
先生天下無

過高淳湖弔邢孟貞先生

斜川晴浪碧迢迢水白霜紅信櫓搖人對東流思舊事地
連南紀憶前朝葦湖鹽豉羨初下宛浦雲山望正遙滿眼
子才吟眺處一林楓橘雁飄飄

天逸閣歌贈梅子長兼示季升

君家高閣十餘丈我來躑躅不得上酒酣一歌天逸閣歌
終酒罷色惆悵我聞此閣高嵌壑文窗複道排陰森誰歟
健者此間卧宛陵先生梅禹金嘉隆海內文章盛五侯七
貴知名姓宛委响嘯考據精連珠倒薤參稽正此時江左
愛繁華此日王孫重狹斜楊柳西街名士騎菖蒲北里伎

人車豈惟時譽靈光殿一門才調人爭羨羣從能為碧玉歌子弟工持白團扇謂季豹子馬勉叔諸公也藉甚文孫更鳳毛謂朗

生蓮花新淬鷓鴣膏愍孫品地名尤重述祖詩篇調最高

罨畫溪連牧之榭我家恰住銅官下先君慕義比原嘗上

客稱詩轡顏謝明珠繡段結相於昇得書滌有鹿車白恰

登山齊蠟屐烏皮隱几對繙書丁丑朗三先生讀書于家我時最小心

能識往事迴環繫胸臆蠟鳳曾嬉伏挺堂塗鴉記丐元常

墨余年十三記曾以漢宮春曉扇索先生三絕句伯勞燕子各翻飛明月寒江音

信稀曲中紅豆人誰在夢裏青山路竟非玄暉倏忽騎鯨

去賤子旋悲蓼莪句衣葛空憐任昉兒迴車錯到羊曇路

二十餘年蹟已陳偶然擊汰宛溪濱家駒喜識阮千里難

弟欣逢第五倫張燈閣下還開燕語舊傷今淚如霰醉後

還盤丈八矛興來且插鵬翎箭秋月春花一倍愁綺疏交

網日悠悠蕭條豈獨梅家閣太息東吳萬卷樓萬卷樓先處士公讀

處書

飲方鄴齋中復作長歌一首

沈郎為我開中厨宛溪斫鱸烹鯉魚明燈絳燭照屈戌膝

席六博兼呼盧將我鬢鬢鬚勸我速行樂我才豈逮陳孔

璋君狂不減沈昭畧酒酣簾外明河翻沈郎岸憤為大言

二十學書更擊劍拔竒直泝黃河源只今三十猶徒步可

憐江左王文度酒渴騎來北海龍詩顛伐盡中山兔我家

南街第直拂姑山雲丹書鐵券來策勳漢家驃騎真將軍

將軍猿臂好身手十年轉戰灤河口功成校尉多閒暇小

隊雕戈親較射輕裘大獵黑山頭雨血風毛蔽原野歸來

甲第鳴歌鐘萬鎰之賞通侯封手摩盾鼻歌競病步躡玉
杖凌芙蓉倏忽飄零悲大樹祁連像冢還知處虎頭有子
不尋常公然亦復攀髯去沈郎語及嗚咽愁陳生便爲填
百憂世間萬事本難料白日欲匿啼鵲鷓不如且飲敬亭
酒別後相思復何有

酬贈姜桐音兼懷呂忞字

山陰呂郎俠者流偕我三月來邗溝楊花亂撲倡家樓紅
橋放歌百不愁江南繭紙滑似油楷字不惜雙銀鈎題詩
擲贈安陵侯醉翻酒杯汚貂裘此時逢君坐上頭一笑且
乾紅玉甌朔風十月吹暮秋別君憶君何日休敬亭疊嶂
誰雕鏤宛溪沙鵝鳴啾啾乘興便放沙棠舟道逢一客跨
紫騮熟視詎是姜生不果然伯約來宣州喜劇吟跳聲咽

憂貴人朱輪前八騶牽來雜坐呼酒籌人生聚散如浮漚
相見不樂何所求獨惜呂郎函谷游干戈阻絕心煩憂

酬贈山陰張雛隱

西箏不隻彈東瑟貴雙鼓結髮慕交游少小愛徒侶伊予
癡夙心煩寃嚮誰語十月百卉腓零露亦以涸灌木鳴驚
禽沙洲矯修羽居者遺賤貧行子眷羈旅沉吟送別言俛
首淚如雨願子崇景光前修以相與

同吳若金沈治先登城樓眺敬亭

片帆東上筏初停二子相携悵翠屏水驛蟬鳴寒磳淥郡
樓猿叫亂山青千年南史傷陳蹟一夜西風到敬亭江謝
瑤華俱寂寞江淹謝朓俱爲宣城太守霜紅露白任飄零

寄贈侯叔岱

蕭蕭大梁城莽莽悲風起洛陽諸女兒競說侯公子侯家
公子不可當談兵說劍聲琳琅酒後能騎赭白馬興酣作
使邯鄲倡睢陽城下日將夕箭如饑鴟叫平澤礪礪賊火
動地來兩手如飛左右射歸來猶未散鳴鐘琥珀壓酒葡
萄濃旦夕長安賜甲第不然辟穀尋赤松黃河之水流不
極世間萬事安可測男兒五十不作官那得常常好顏色
珊瑚之轡白玉卮與君作歌君莫疑侯家公子竟憔悴何
況雒陽諸女兒今歲廣陵城小弟睢陽至謂四弟相逢踞
臂說侯生白月明明炤天地人言侯生狂定識侯生樂鬪
雞下鄆陵呼鷹上宛洛余卧江東二十春眼中知己半沉
淪何時策馬繁臺去一訪當年屠狗人

過廣陵福緣庵瞻禮德公遺影

步屣閒經古上方岩巖金刹映寒塘青楓歷歷人千里白
月濛濛雁幾行千古玉鈎隋帝墓一枝斑竹贊公房寺前
正有關門水盡日潺湲到影堂

同諸子夜坐巢民先生宅觀劇各得四絕句

欲翻新句咏迴波榻管沉吟喚柰何淡月輕烟猶易寫最
難摹擬是清歌

其二

南華天問真奇絕接武除非肉與絲却笑康王矜老手強
將北曲傲吳兒康對山海王羨岐九
思俱以北曲擅名

其三

少日魂銷湯義仍而今老去意如水聽歌忽憶當年事月
照中門第幾層

其四

人當臨別歌偏妙曲爲言愁韻轉和正是客心淒斷處漫
天絲雨不須多

送半雪弟之宛陵求沈耕巖先生爲先府君作傳

孟冬十月北風怒我來宛陵十日住離墨山南木葉飛我
逐驚蓬還早歸我歸宛陵未半月弟也嚴裝今又發君不
見陵陽城門啼暮鴉陵陽津頭檣似麻高鞞估客不知數
皆言直至長風沙又不見翩翩年少游梁客擁傳乘軒聲
赫奕那知謝李竟何人但愛豪華走相索入門墓田白日
昏出門橫江白浪渾潁川兄弟竟何事祇嚮先生求片言

宣銅爐歌爲桐城方坦庵先生賦

龍眠老人顏髮緡街前賣字書劈窠生平愛古入骨髓

好不惜三婆娑一爐溫潤製絕異肌色肉好神清鍊飲金
鑄耳備工料制器尚象窮瑯磨窪隆豐殺中規格紅黃紺
紫蟠雷蝌我時捧視肅然敬儼若清廟陳彝犧音憶昔此
爐始宣廟百物克斤供搜羅宮閨澹泊厭洛巧爐燐精慎
無偏頗百金重購擬和璧旃檀作匣犀牛馱後來市估雜
贗鼎蘓鑄甘蔡皆么魔亂真每被魍魎賣懷寶或受蛟龍
呵我來感舊發淡喟撫汝不異雙銅駝一爐雖小歲月古
列聖德澤相漸摩我今爲公作此歌萬事一往何其多歌
成煩公書大字明日且換山陰鵝

廣陵贈陸景宣

昔年見子西陵陲吹簫挾彈相追隨吳質雅能好聲伎錦
毛萇只解談聲詩黃錢塘門外北風大四人蹋臂上床卧

夜半雞鳴非惡聲吾爲楚歌若且和吳毛一別八九年傳
聞落魄真可憐陸生藥囊提在手杖頭亦少青銅錢陳郎
連歲客江滸乞食爲傭更辛苦醇酒常污魏信陵進錢屢
負桓宣武人生離別心自傷鸚鵡鴻雁參差翔相逢今夕
此何夕會須一飲城南岡揖君下馬指君口此口只今止
宜酒揚州酒鑪高似天紅燭銅槃無不有相逢何必懷百
憂眼前故人誰白頭不見昔年蜚語日先生幾類南冠囚
幸然穢史一朝白不爾菹醢隨通侯陸生大笑催酒籌陳
郎更起彈箏篴男兒作事具本末鄉里齷齪難與謀黥奴
夾食亦細故安能老事平陽侯酒闌嘆惜不肯休袒衣五
木爲冶遊脫帽擲向座上客頗識袁家彥道否

贈王司勳西樵

崧也偏側菰蘆中一生時命如飛蓬驚飈轉我若車蓋何
由吹使登崆峒作家厭讀食貨志浪遊未諳風俗通以茲
與世日齟齬怒扶列缺鞭豐隆腰間亦有百石弓韋然耳
後生悲風可憐有虎不得射坐使四十誇雕蟲濟南二王
最卓犖僕隸劉向奴楊雄司州愛我邁風契五載刮目憐
吳蒙到今嗜芟哲嗜棗此事詎不關鴻濛司勳恨我未識
面却望九點徒青空生平哀灌雁行輩野夫氣盡飛龍宮
司勳有飛龍宮歌絕奇安能從君獵文囿伐盡狐兔殲貙熊今年謫
書滿一篋獄吏詎卹甘陳功皇天無私白日照庶女一歎
回長虹頗聞鄒陽脫犴狴復報衛虎來江東我時正作蜀
岡客大叫額手呼蒼穹運租船上家信至妻女凍餒愁無
窮寓樓庫濕北風厲手足皸痲身罷瘡待之不至四節盡

衣裘已敝羞蒙戎忽聞旌旆指隋苑狂走伏謁迎王公霜
天百語一未吐亟索官釀葡萄酒紅

長歌爲秋浦吳太母作

太母余師樓山先生配也

金童緹素女歌後彈文梓前雲和嬖姍勃窣紛哉羅沙
糖作酒顏半醅交枝樺燭紅嵯峨曲終太母淚如霞舊事
焱馳逐飛電憶昔開明守九閨四七之期龍再戰旄頭列
宿搖光芒解來帝紐傾珠囊大酒一酌天竟醉手剪鶉首
歸始皇平陵義公太崛強連營列鎮何堂堂干將之妻聶
政姊讀公之書決公死已知城竟屬夫人還美軍應號娘
子可憐舉事一不成帳前猛士皆吞聲瀆宮薦棘雜五毒
滿眼桐柏參天橫母時生死無一可夫死在前女在左堪
胸塗腦匿草間夫死有兒兒使我歸來復壁無事無蛟龍

失勢江河枯賣珠賣餅竟誰是天陰月黑啼兩雛一雛漸
長一雛天雛也長成母已老只今人世換滄桑母也白髮
臨中堂含飴畫荻更作苦授書中夜聲琅琅行年七十正
強健我媿門徒身尚賤酌酒進母母勿愁母今有兒孫仲
謀

爲阮亭題青溪遺事畫冊

絲楊風裏漾斜曛自在烏龍卧簾紋聞說中門將攏鎖心
情分付與雙文

其二

綠窗棋局一塵無小妹嬌憨博進輸不道南風全不競志
將紅子打檀奴

其三

新桐初引月將斜紅板橋頭第一家門裏謝娘春睡懶不
知開到玉簪花

其四

東風院落不知愁小捉迷藏繡帶柔忽憶儂家崇讓宅十
年前事到心頭

其五

金鴨微溫寶篆生芭蕉斜逼藥奩清怪來庭戶無人到長
日惟聞動軫聲

其六

羅裙窸窣裊瀟湘匿笑爭窺繡幔傍六幅笙囊空似水細
聞聲處斷人腸

其七

樺燭平康院院紅讀書聲出粉牆東莫矜先輩多才調背
立鴉鬟女侍中

題冒青若小像

鳳脰燈青寫練裙來朝馬上憶離羣披圖重看鶯溪絹十
載交情見卯君

湖海樓詩集卷一

宜興陳維崧其年著

穎州劉體仁公敵

弟 維岳緯雲 恭閱

宣城施閩章愚山

選

宗石子萬

新城王士祿西樵

男履端

吳江趙 澹山子

姪 泖 校

乙巳

黃橋客店夜遇范女受僕知女受便以今日離東阜

矣為之悵然却寄二絕句

野店荒雞咽復鳴春宵寒重夢難成如何此地思元九纔
隔梁州半日程

其二

二女明粧世所無
雙鬟窈窕映晴湖
輕帆輸爾過彭蠡
飽看春流大小姑
時女受將遊豫章

花朝待毛亦史不至

春雲千縷捲靈綃
次第風光度綺寮
最不分明惟燕語
絕無聊賴是花朝
蕪城作客腸應斷
婁水懷人信轉遙
一樹辛夷開又謝
夜來微雨更瀟瀟

清明

半作晴和半雨絲
禁烟時節倍淒其
新蒲細柳吞聲處
把酒看花憶第時
日落江城斜畫艇
春陰水國掩叢祠
去年記得逢寒食
曾聽錫簫此地吹

虎兒行 阮亭第三子小字虎兒

王家三子天下無
大兒獅子次豹奴
小兒汗血更英邁
兩

手據地名於菟瓊枝璧月作姿格
湘烟灑水為肌膚
啼饑那肯索棗栗
出口輒欲窮
師儒漁洋山人風格殊
跌宕六庫凌三都
生平作人無長物
縹緗琬琰排官厨
鶴柴五日一休沐
膝上徧箸三童烏
虎兒最小極了了
一尺繡鬚翻天吳
誦詩似欲窺象罔
擺脫俗韻存清癯
君不見李家袁師好
兒子第解坐筴張飛胡南朝
亦有小名錄阿瓜阿乞真駘
駘何如王家小兒異
三歲跳盪誇龍駒
世間萬事終區區
阿翁何不為歡娛

水繪園三月三日修禊 同邵潛夫王阮亭冒巢民先生暨毛亦史許山濤冒穀梁

青若

禊堂背城郭
水木紛陂陁
飛絮亦以漫
落花行復多
幽禽時一鳴
緘情向春華
物理有銷歇
賢達將如何

其二

風光旣駘蕩水雲相斷續輕舸委明潭春厨映淡竹忽憶
瀟湘波此時復應綠

其三

王郎達者流襟情獨高寄文奏詎能牽丘壑或堪置風魃
印渚游暫出洛濱戲泠泠鸞鳳音奕奕烟霞氣

其四

風日旣清佳賓徒悉韶令晴光蕩蘭畦濕水滴蘿徑愍度
過江來豎義一何勝王裴善清言靡靡亦堪聽而我嗒忘
言前林響疎磬

其五

禁烟一以過清和又將至四節詎復停邈然發遐思今朝

王法護定到寒山寺

西樵渡江詩
是日抵姑蘇

洗鉢池汎月歌

三月上日林塘游盃池花竹何翛翛山東俊人王主客隱
囊紗帽踞上頭摘船載酒水嬉盛滿園碧浪一何淨映渚
差宜楚簟涼凌波劇喜吳裝靚須臾月華亭杪來窈窕潭
島瓊奩開權歌直汎琉璃堆招手便躡金銀臺紛紛沙月
不可辨漠然一碧如輕苔誰何梨園部掠水爭潏洄美彈
哀嘯頓至致眠鷗浴鷺群驚猜此時燭龍揚其頰干枝火
樹搖山隈君不見會稽修竹應非昨王謝清言不復作伯
時丹粉久漫漶江左巾箱悉零落人生勝遊豈易哉眼中
之人況不惡酒酣夜闌喚柰何萬事一往如流波男兒有
情且作達往事哀樂何其多春燈滅盡水烟發船頭簫管

一時歇主人携客悄無言
森森寒流漾明月

贈別王主客阮亭

王君家傍錦秋湖
陳生居負蘭陵郭
兩人相慕不相識
何由開口爲大噓
憶昔鄒陽許士
暨沈約禹恒向鄙人誦
竒作草頭一點赴
騏驥烟際斗影
換鷗鷺此生遽
欲執鞭弭爾後
限不躡芒屨
世間怪事竟何
限四十陳生餓
溝壑亡賴往往
雜庸保天幸
僅僅免俘畧
王君三十何
堂堂出李維揚
耀朱裸兩人
相見便抵掌
坐上狂歌歌
自若馬稍清
談街鼓動哀
絲豪竹春燈
落作官祇辦
設茗葺對客
何曾噉蒜酪
六年游處無
事無口不能
言記猶昨
今秋七月涼
風盛王君告
我適京洛
雲帆破浪
誰不羨況復
同舟載花萼
謂西樵也嗟余一生情苦
多別人每作數日惡
矧君與我比

膠漆此意誰能喻
輕薄昔游翻悔識
君非茫茫從此無歸
着

左寧南與柳敬亭軍中說劍圖歌

寧南嘆暗大出師
軍中百戲無不爲
潯陽戰艦排千里
夜闌說劍孤軍裏
虎頭瞋目盤當中
其意自命爲奸雄
說時帳前捲秋月
說罷耳後生悲風
軍中語秘聽者死
寂不聞聲夜如水
左坐一將軍
右坐一辯士
辯士者誰老無齒
齧顏摺脅醜且鄙
得非齊蒯通
乃是柳麻子
此翁滑稽真有
神少年趨捷矜
絕倫青春亡命
肝胎市白髮埋
名說事人寧南
置酒軍中暇
愛翁說劍真無
價橫刀詎趣提
湯烹洗足寧來
踞床罵飄零
大樹蔓寒烟
翁也追思一惘
然西風設祭悲
彭越夜雨傳
神倩鄭虔感
恩戀舊纏胸
臆故國無

家歸不得惡少侯王盡可憐三更燈火披圖泣

小秦淮曲十首

同葉桐初許山
濤冒青若賦

小東門外小秦淮水意蘭情事事佳燕子拖烟縈綉巷
魚和雨上銅街

其二

十年情緒不曾消又過揚州第幾橋小倚曲闌思往事傷
心斜日柳條條

其三

思鄉渾似欲眠蠶自入新秋百不堪正是水雲寥落處斜
鋪楚簟夢江南

其四

廣陵城外小樓多秋水盈盈剪越羅記得昨宵樓上女更

無人處注橫波

其五

衰柳寒蟬水一城渚禽沙鳥太縱橫今年轉覺流光駛七
月深秋景早成

其六

大婦貪居菱葉莊小姑愛住捕魚塘沿流畫舸自來去款
乃一聲江月黃

其七

煬帝行宮蔓草寒建康城外水漫漫秦淮大小君休管嗚
咽千春總一般

其八

絕代消魂王阮亭六年客舍爲君停昨來甕社湖頭宿雨

打離帆一夜聽

其九

柳叟

敬亭

詼諧老絕倫戴生

蒼戴

寫炤亦通神更逢白下王公

秀天寶鉅蟬剩此人

其十

老去心情不自持絲楊板渚一枝枝誰將碎雨零烟恨說

向風流小庾知

此首懷胃子穀梁

題王子側洗盞圖

幽人山中住自洗山中鉢松聲聒林杪樵風響天末臨水

澹無言寒流淼空濶

七夕集蜀岡禪智寺碩公房送王阮亭入都

森森離程水自流氍毹斜日晚生愁一樽禪智銷竟酒七

夕穿針少婦樓此夜清談同法汰他時紅淚對牽牛蜀岡

極望無多路蔓草寒烟易白頭

為汪舟次題紅橋衰柳圖

同西樵阮亭豹人爾止賦

垂柳絲絲漾麴塵吳船秋水碧粼粼揚州風景原難畫能

畫揚州是恨人

畫師江姓

方邵村侍御以像索題為作長句以贈

方侯跌宕真人豪鸞停鵠峙空我曹高軒華貴誰不羨戟

門行馬縈旌旄燕山老鳳老更健汗漫八極騞盧敖膝前

雛鳳太天矯勁翮掠地摩雲濤侯也二十剋鷄鷄阿兄對

着紅錦袍其餘小弟各橫絕門地一與才名高先皇大獵

五柞館從官繡鞚紛周遭愁鷹俊鶻注目俟勢欲頃刻離

其縑翰林侍御兩簪筆僕隸楊馬奴枚臯一朝蜚語竟失

勢長歌出塞心
怵怵醫無閭北雪
破碎賀蘭山脚
風蕭騷生還一
夜頭半白僦居
且傍蕪城壕涼
秋七月浪花白
烟江舴舺吾能
搽水樓相見一
歎息飛湍迸瀉
聲嘈嘈爲余挑
燭話吳質漢
幽泉密箐猿哀
號語侯且飲勿
話舊世間萬事
如秋毫此時貌
侯者誰氏那不
頰上添三毛

贈柳敬亭

憶昔孤軍鄂渚秋
武昌城北戰雲愁
如今衰白誰相問
獨對西風哭故侯

指寧南侯也

其二

紅燭天涯照舞筵
當時情緒已茫然
相逢頭白還相笑
記許題詩二十年

贈汪舟次兼懷吳楚人

旅舍愁無那濃秋把汝詩驛樓臨水處涼月掛城時更憶

東淘客吟成老淚垂
乾坤二子在蕭颯
莫深悲

贈郝羽吉兼爲其母夫人壽

泰州東淘有吳叟
生平論交最不苟
陋軒詩句苦無多
常道郝君不去口
東淘孤冷不易親
意者取友皆其倫
今秋竹西見汪子
果道君也非常人
介推母子真難及
太母明年正五十
飛書遙自敬亭來
索我長歌一何急
我生踪跡何茫茫
短衣漂泊楓林旁
何時得其汪吳輩
踞爲麻姑進一觴

感秋

同杜于皇孫豹人冒巢民青若宗定九王兩相葉桐初許山濤華龍眉吳暉吉汪舟次左嚴叔定季用魯紫漪

夏次公分賦

西風颯颯聲哀號
長江白浪如山高
月明畫角忽三鼓
客

子空堂生二毛時危公等苦貧賤身老若輩需弓刀夜闌
蟲語太幽咽憐汝籬下安能豪

贈成都費密

三載揚州城逢人問費密朝出問里兒暮歸問驛卒揚州
風俗誇輕肥何人能知老布衣或云成都跛道士少年縛
屋青城裏五字能爲石鼎詩一足頗類習鑿齒或云密也
磊塊人意氣孤岸尤難親攝衣直上公子座膝席豈避諸
侯嗔其餘十問九不應中心然疑莫能定今秋我復來蕪
城有客懷刺通平生乍見姓氏已相賀復覩狀貌還趣迎
七月已至六月破揚州城中秋水大爲言錦城十萬家亂
後巴童餘幾個葭萌關上大殺傷褒斜谷中多戰場竿間
粥粥絕鳥雀棧外杳杳無牛羊公孫樓櫓只衰草丞相祠

堂空夕陽蠶叢徑仄路難取稀歸往往啼罷塘白帝城高
水雲白只今漂泊離鄉國木棉花發幾回紅十度思歸歸
不得又言生平事讀書負大志開口不習二代書結髮人
言管樂器每逢知己必纏綿十日要當九見詣出門疾若
千里駒行步昂藏真丈夫乃知識君苦未易向客所言何
不類勸君何必居揚州揚州里兒難與謀

鈔唐人七言律竟輒題數斷句楮尾

沈宋才高擅景龍詩成評隲費昭容流蘓七寶殊端麗閉
置車中愁殺儂

其二

長鳴萬馬皆瘖日獨立六宮無色時湖海高樓無長物龍
門列傳輞川詩

其三

神韻天然高遠夫嘉州格調也應無更憐絕代東川李七
首吟成萬顆珠

李順七律
止七首

其四

三唐作者細如毛杜老波瀾一代豪吟到安時殊細膩體
當拘處更風騷

其五

汶上相逢殊蔚跂鄭公禳散太委佗飽吟此老七言律字
字公孫劍器歌

其六

大曆詩人劉長卿淨如秋水滑如鶯閒窗吟寫無人會老
向隨州過此生

其七

弇州善喻唐寅作蕩子中年是乞兒何似韓翃知制誥一
生玉勒與金羈

其八

浣花翁死詩人少商隱篇章劇老成却怪後來多傳會金
荃那抵玉溪生

其九

大能感慨許丁卯別有心情趙倚樓誰說晚唐無妙詣二
公才調也風流

其十

多年愁思太佺佺禪板新來伴夕陽欲讀淨名經一卷惱
人心事是冬郎

贈李令君蔚宗先生

我生畏官長然又重知已蹉跎四十強貧賤益自喜比年
更客游糊口資薄技半載一歸家幾不認井里親友驚我
還謹呼哄街市憐我久風塵敬我如客子爲余言我侯卓
犖古無比頗亦知陳生時時在侯齒嗟哉士氣衰此物久
敝屣誰於繁劇間知有貧賤士聞風三太息嬾性蹶焉起
作袋入城中明當一御李

賣字翁歌爲龍眠方坦庵先生賦

龍眠老子真豪雄一生破浪乘長風行年七十正矍鑠自
號城南賣字翁雪花打門月在地破屋槎枒矗三四廣陵
城中醉尉多老翁自賣牀頭字韭花帖上骨格殊春蠶錦
蠶光模糊洞庭霜柑三百顆不數鳳尾還官奴攔街小兒

拍手笑老翁掉頭只長嘯此翁遊戲無不爲憶昔金門大
隱時大兒扈蹕五柞館小兒從獵黃山陲紅牆海戶竒毛
淨玉粒思秋北風勁詔賜從官盡擊鮮羽林年少知名姓
一朝赭衣出國門牛車萬里揆河源破訥沙頭斷行跡康
居城外愁人魂吾聞神仙狡獪不可當此翁亦復非尋常
作吏但未作僕射流官詎止流夜郎卽今七十材力強子
孫滿前身樂康翁起彈箏余擊缶翁亟向前掩余口人生
萬事難具陳賣字且換東家酒

贈范羽玄

羽玄尊人長白先生
與余祖同年最善

前朝神祖歲乙未翹材之館招豪賢三吳碩大卿相出爾
父我祖稱齊年我生甫着少保膝醉後弄孫數膠漆大范
老子交有神同在元豐爭得失爲嗔丞相竟投閒二老風

流恣往還太湖烟雨一千頃便攜漁具凌潺湲君家德澤
 厚而遠聞道驥兒生最晚當時我祖劇懽笑爾日長箋大
 纒羽玄初生時余祖以湯餅馳賀先龍顛虎踞真可哀
 一時人物安在哉我家門戶更衰醜藥郤之後為輿僮天
 陰月黑北風厲老屋莓苔憂不細青熒猶覩昔賢書李潮
 八分鍾繇隸余家門屏多壞牆渴鯨尾偏掉破壁饑鷹矯
 難制至今隱隱筆墨聲瀕洞轟作波濤勢嗟余蹭蹬纏風
 塵疎澗故舊緣賤貧吳趨作客七百日坐悔失却通門人
 余昔讀書吳門二載竟未一見羽玄揚州客舍一相見話舊墟頭重歡讌東
 街蝦菜賤若泥促付糟床壓缸面寶刀出匣馬斲其男兒
 讀書真大癡酒闌懷抱忽破碎却憶兩家全盛時

送范簡夫入都

北風颯颯天蒼涼草木搖落梧竹黃霜紅水綠好風景憐
 我客游非故鄉羈孤且喜遇范子直拓金戟爭顛狂賢門
 彥龍至吳郡羽元同行況有烏衣王升怒猊老驥夜相守脫
 帽自命為渴羌江鱸礎濕飛白雪吳酸匙滑調紅薑歡樂
 未終驪唱促子忽告我作急裝主賓惆悵色不懌放歌變
 徵聲低昂男兒致身貴彊盛那解閉置愁車箱君家丞相
 褒鄂輩十載端坐中書堂相門子弟悉麟鳳況爾材力森
 開張入門繫馬家慶畢金貂鐵券真輝煌獸肥草淺且射
 獵會見神駿馳康莊君不見東山太傅好兒子軍中車騎
 呼謝郎此時相送但痛飲醉後直視黃河萬里之帆檣
 贈王升吉兼寄吳中諸舊游

暨陽城下風颼颼橫江白浪高山丘布颿峭罷一何怒渚

鴻沙雁聲啾啾，篙師振柂，淚如雨。誰人不言客游苦。三朝船抵如臯城，萬感胸中莽撐拄。主人剪紙招我魂，沽酒飲我。令我溫入門，膝席坐未定。誰何吳語來，嬋娟我耳偏。因吳語喜心，知此人定鄉里。衆中握手問姓名，乃是吳下王。武子王也，磊落稱絕倫。同行范叔通，門親丈夫失意遇。知已往往笑，傲兼酸辛。嗚呼吳中別來久，疇昔賢豪今在否。當時叱咤三都賦，此日飄零一杯酒。章生素宋子既庭文右之真大才，記同騎馬姑蘓臺。兩家小弟半黃土，疇三湘御舊游欲說心先哀。眼中之人錢練百宮聲與沈韓何日高歌還痛飲，疎狂人更說汪茗尤展成踪跡。頻年都未審君歸，儻遇諸故人爲言。陳生益苦貧，梅花雪壓浪花碧。我當一作吳中客。

齊景公墓中食器歌

宣城吳若金爲余言山東益都民盜開齊景公墓

得一物類食器狀縣令捕盜獲之以獻學使者施

愚山先生器今在先生家輒爲作歌

山東惡少慣掘冢，半夜潛身穴丘壘。蘚滑磚傾怪鴟嘯，天陰隧黑行人恐。漆燈欲蝕沙土痕，前和一物巍然蹲腹窪。頸銳琬琢古，得非窶豆兼犧樽。紀甌纍然奚足取，鸞鼎瓠肥亦僞父。半紅半綠色班駁，不壘不鬲狀傴僂。嗟乎此物誰所爲，壓倒百榼還千甔。秦班漢血兒子輩，敦雖彘虎堪肩隨。摸金校尉莫浪語，青州從事來縛汝。當時在盜一坏土，此物公然入官府。官府者誰宣，城公關西夫子多英風。生平嗜古入骨髓，愛汝非玉非金銅。形模瓌偉製竒崛，光氣猶將不祥被。據案一日三摩娑，心知此是古人物。嗚呼

齊景公奈何作事誤生前有馬至千乘死後無人守墳墓
即如此器尚食時精堅古緻光離離臨淄城中十萬戶皆
言陶氏製作奇人生萬事終塵土茂陵玉椀生毛羽牛山
揮滄漫悲哀至今人恨梁丘據

移居詩為冒巢民先生暨青若賦序有小

如臯城東集賢街者坊號銅駝里呼剋蓋王龍圖
策名之地鳴騶者五百餘年冒東林講道之鄉列
宅者三百餘載則有西京上族世住光延東觀名
卿夙居通德韋杜則去天尺五原嘗則有客三千
然而時異勢殊星移物換珠扉青瑣僅存南國之
龍門斷甃零垣大有西隣之燕子先生爰是加以
相攸為之考卜孔門顏子惟耽陋巷之居齊國晏

嬰不樂近市之宅謂某地者境絕風塵人無稠雜

雖曰井廛湫隘僅容旋馬實則門庭蕭寂雅可遷
鶯於是乍徙琴書仍栽松石堂有介推之母正喜
稱觴室惟仲孺之妻還欣舉案知書小婦助勘丹
鉛遶膝諸孫羣爭梨棗矧佳兒與佳婦共議脯漿
惟難弟與難兄咸精文筆問平原之宅此是東頭
訪給事之莊茲名北垞不讓仙靈之窟允為仁智
之居用賦五言聊資一噓

朝霽射簷隙晴光散堦除髮几靜如沐生白由室虛芟草
課僮僕植杖躬荷鋤既以秀花竹亦復烹葵蔬我聞陶泉
明昔常詠移居此理不吾欺千載遙相於南榮曝背罷凝
塵恒晏如

其二

移居先移書鱗鱗若山積一半積經索一半積典籍叢談
脞史葦蒐採及與僻屏當見性情排連有風格東家有朱
門愛錢若拱壁室無一寸書何異黔婁客先生深心人書
滌與左癖流連三十車抵突二千石

其三

令子皆吾弟幼者隨親居英英珠玉器照耀隆中廬先生
教義方日命循庭除男兒貴立身豈止當讀書作人務大
節處世留有餘至哉長者言此言勝瓊琚君其守庭誥福
善理不虛明年我來游為君賀克間

丙午

春日吳閫雜詩

二月輕帆下太湖烟波日夜客心孤可憐微雨春山裏又
過黃公舊酒壚過葑溪追感疇三

其二

清狂我愛王曇首騷雅人推范彥龍花落日斜無一事酒
旗歌扇鎮相從范羽元王升吉同舍讀書

其三

尤郎狂態那能及醉倒攔街要馬騎拍板樞槌好生活青
春白眼任支離展成新撰黑白衛樂府

其四

宋生近作何淡蒼譚詩說劍真堂堂人生老友那易得且
與射獵城南岡謂既庭也

其五

憶別西窗十一年依稀猶記對牀眠賢甥近復能高咏穩
徒須看異日傳懷右之時令甥吳虞升以新詩見示

其六

昨見高人顧元歎茂倫說君詩比玉溪生今朝恰讀香歛作
喜汝風流劇老成吳江徐電發鈞

其七

君文酷似廬陵筆吳市吹簫識者稀共貫吳娘一斗酒櫻
桃花下與沾衣喜晤越中姜西銘宸英

其八

東吳亦有沈昭畧意氣居然似乃公自讀宣城詩一卷夜
闌被酒聲摩空沈石均有宣城游詩

其九

春欲寒時雨正濃小樓殘燭話重重關山兄弟飄零後同
聽吳江曉寺鐘夜與弘人同宿

其十

公子牙籤書麗屐鮑娘香茗賦清新水晶粧閣空如水那
得人間有此人贈吳聞璋鏘其夫人龐惠纓紉芳工詩擅臨池

其十一

劇憐小妹他鄉慣亂後年年信息疎好把嫁時衣上淚數
行彈濕大雷書別舍妹暨妹丈吳鵠懷

其十二

夾浦橋頭浪接天三高祠外柳如烟春帆底欲投何處回
首東風一惘然別顧茂倫張九臨諸子

三月三日金山豹人約同上金山修禊陰雨不果長

歌紀事

三月三日風刁刁鯨魚跋浪聲悲號金焦極望不可渡連
檣巨筏何堅牢憶昨乞食射堂下方孫二叟還相遭官衙
蹋臂一大噓話舊滾滾如波濤五丁二酉被驅使秦碑漢
篆供爬搔是夜滿城作寒食紫魚新傳吳娘糟程公愛客
入骨髓崑崙意便不欲留官醪老兵欲睡愁我曹負墻耳語
罵老饕別時攔街不肯散約我上已離城壕妙高臺上一
片石可以痛飲歌離騷詎料此意那便遂惡風濁浪心煩
勞作詩一笑報二豪毋令懷抱長切切晴雨豈妨吾作達
誓凌閭闔揚其尻詰朝米盡餒不死直須足踏金山坳下
視人世皆秋毫

題俞山丙午詩卷首一絕句

字字精工費剪裁篇篇陶冶極悲哀白家老嫗休輕誦曾
見元和藁本來
張文潛以五百金購白香山詩本見其
竄改塗乙幾不存一字蓋其苦心如此

其二

春雨春陰又幾朝他鄉寒食總無聊把君丙午詩三卷吟
過城南丁卯橋時同客南徐

米元章墓下作

道逢山中樵指我米家墓青山四五重桃花一千樹語罷
入前村杳然不相顧

游竹林寺

入夾路已幽聞鐘意偏惜野塘更淡沲疎竹自繚繞我來
憇寺門春山極明了衆僧汲水迴樵夫唱歌少因思林臯
師結廬此林杪巾拂不復存泉流尚浩淼感此愴忘歸瞑

翠轉溪窅上方歇微磬江帆亂飛鳥

由竹林歷招隱未及尋八公巖而返

十日客丹徒春心祇煩懣射堂不可游尋僧當行散既覺
竹林幽益愜招提坦稍辨僧語多似雜樵歌緩春鳥響交
交澗花開纂纂林深逕轉紆境寂情彌款緬思梁昭明於
焉構宮館悵悵溯流風雙筇爲之嬾迢迢八公巖春山忽
然斷

何雍南程干一招飲摩笄山下酒家同方爾止孫豹

人談長益賦

摩笄山下多酒家銅錢三百還能賒溪迴一帶杏桃李日
落滿耳箏琵琶江聲日夜喧京口可飲只聞此間酒更復
相逢白髮多純純却抵垂絲柳玉練槌清鱗鼻香與君一

吸吞千觴男兒意氣頗不惡何必客游非故鄉興亡今古

多如許春山一杯吾酌汝君不見黃鶴山前劉寄奴何似
摩笄山下戴公女

相傳戴顓女摩笄山上以誓終身
不嫁黃鶴山宋武微時躬耕處

贈叢含英孝廉五十韻

當代推人物如君信可傳家聲雄阮曲才調壓甘泉一代
瓊枝秀三秋桂子圓維揚歌吹路淮海孝廉船下杜迴珠
勒長楸躍錦韉金張皆結納潘陸雅周旋是日人如璧於
時月正弦登樓盈士女側帽艷神仙其記遭逢盛兼聞行
誼全威儀真可選禮義更無愆鄉國稱徐庶家庭說閔騫
步趨何秩秩容止極翩翩性復耽文籍居惟玩簡編百城
資考訂七畧費鑽研讀史牙籤滿窮經木榻穿名高八顧
上文在六朝先似爾人江總嗟余老鄭虔相邀分筆札爲

許共丹鉛假以羈遷客還為道里牽孤蓬辭卷畫二月到
 吳天南國愁花鳥西施罷管絃五湖紋比簟千縷柳成烟
 千古情淡矣傷春意悄然吾生長落拓乘興即泅沿北固
 貪彈缺東風一叩舷方干逢把臂爾止鄒行恰齊肩許同訪
 丹陽尹崑因停白玉鞭魚龍悲估舶戍鼓惱游篋月掛城
 樓外江流郡閣前街杯思郭璞拓戟想孫權且住為佳耳
 淹留遂久焉客程驚水驛節物換鞦韆即次瓜洲岸紆徐
 蕪苑邊凄凉隋大業飄泊杜樊川會近愁偏劇途長意倍
 懸無憑通雁帛有累卜筵筮到日披閑幔移時借半氈相
 看剛一笑憶別各經年門巷稀車馬村墟隔市廛樵風晨
 屑瑟麥浪晚淪漣草綠堪行散花紅好種田幽棲宜褊性
 僻處謝時賢室邇談諧數形忘禮法捐風流林是竹蕭灑

社名蓮喜值懸孤節欣霑置醴筵嬌鶯啼斷續飛絮舞纏
 綿子夜歌無誤陽春調可憐今宵橫彩筆明歲直花甌痛
 飲消紅蟻狂吟咽杜鵑三更春欲去剪燭莫高眠時三月晦日為

含英三十初度

得阮亭漁陽道中花朝四絕句和韻却寄

前年寒食春無賴人在紅橋喚奈何記得璧郎偷擬笛鷓
 鴒天破定風波

其二

鉢池水竹映名藍去歲逢君酒半酣小作棠梨花下語教
 人那便憶江南

其三

今年高卧闔閭城君在漁陽草未生春煖春寒人去久更

何情緒度清明

其四

柳絲着水細於烟檀板銀鬕二月天忽接王郎詩一紙春光好處倍淒然

贈龔芝麓先生

先皇頓網羅人雄龍吟虎嘯凌長風尚書北斗班資貴亞相西京禮數同角鷹離鞞馬脫轡我公忼慨日言事謹潔雖蒙聖主憐激昂頗受當塗忌豫章之木何青葱會須老汝風霜中木彊自識周昌重憇直偏知汲黯忠無何龍顛倏墜地顧命褒公鄂公侍留得忠良輔子孫手撫金牒示以意我公目斷九疑寒况聞喪母摧心肝情關家國容顏換愁極君親去住難周釗夏啟今皇是朝堂趣詔尚書起

國計終煩老大臣私艱未許歸田里尚書服闋朝至尊履聲直達銅龍門屢趨紫禁銜朝命獨抱烏號憶主恩白雲南望悲風木君王孝治傳邦族北闕晨陳人子情東門夕賜元僚沐茂陵烟草日荒蕪張翰歸心暫入吳知公最有思親淚併入西風灑鼎湖

宋荔裳招遊紅橋放歌

今夕何夕秋澄鮮宋公邀我乘樓船金簫玉管相間作蘭欸綺饌羅長筵狂奴故態本跌蕩屠門斫彘恒流涎揚州閉置作新婦一聞公召寧遷延出郭漸覺野景好沿流頓益秋光妍須臾舟掠禪智寺紅芙綠篠紛嫵媚酒家零亂着水面歷歷有似鳧鷗眠宋公此時作鯨飲其意遂欲封酒泉大呼蹋臂對我語波瀾懷抱追當年憶昔壯遊在燕

市酒徒劍客何踟躕一麾詎料置西域三仕復令官南天
扶風盤屋游俠窟鍾山梅里笙歌綠飽看越女天下白曾
聽秦箏聲可憐今年飄泊復到此與君浮拍非徒然我聞
此語已不憚雷塘忽又當我前離官別館竟安在玉鈞板
渚成寒田衆賓淚下如潺湲我歌猛虎尊曩乾舊事豈妨
人作達對酒懷古非豪賢我醉諸公且屯守不爾此態誰
爲傳

送大司馬合肥公還朝長歌述懷

九秋江水平於掌我公巨艦排空上柁樓被酒願一言歷
歷爲公叙疇曩憶昔鄙人甫束髮爾時長嘯凌一往鶴子
盤空陡健舉獅兒墮地颯森爽那知天上剩星辰不信人
間足廝養卽云口吃善談諧况復腸肥工跳盪皇天頌洞
運搶攘從此詩書遂函莽世許輕肥讓後生天留溝壑填
吾黨乍能牧豕學公孫差許鬪雞逐袁盎公平念我在泥
塗崧也作人本骯髒驢老寧羞芻秣恩鷹饑不斷風雲想
斯言雖狂公定賞快若麻姑搔背痒歌闌萬馬忽然嘶醉
聽催船鼓搥響

張穉恭席上其幼子出揖客聰穎異常兒書長句贈之

張侯召客華軒東玉鉅秋夜眞珠紅柘枝回鶻分十隊清
歌妙舞何玲瓏滿堂賓客悉磊砢是日秋色還空濛燠黑
燒燭更洗盞被酒耳後生悲風投瓊格五興不竭微辭善
詭愁輸攻剖駁荆關及絹素抉摘藝器窮青銅須臾令子
出揖客謝家阿末王家戎顧盼非常絕矯矯神器不與凡

兒同阿爺着膝向客言此子六歲耽雕蟲耻繡紫鳳覓梨
栗解弄白筆誇桑蓬君不見張侯罷官頗失勢頗有神物
開心胸我斟一石賀若翁更憶君家張長公

題蕭凌曦為西樵所作圖

余寄西樵詞有云才子為官休亦好弟應荷篠兄携

杖之句西樵心善是言屬蕭子圖之余繫以歌

我昔寄君作此詞詞成坐客笑作劇客咎陳生口語狂此
意詎堪以語客君不見畚車田器負且休其人往往非恒
儔王家麈尾亦大好若得此物增風流先生兄弟一抵掌
此語公然致伉爽來朝共掛神武冠明年對拾空山橡王
孫門第原蕭梁畫來尺幅何清蒼披圖把玩色惆悵欲與
我詞筆勢爭低昂

西湖三舟圖歌

楊執玉太常宋荔裳觀察王西樵司勳時復各載一舟出沒六橋烟雨間

於其行也林鐘崖質錄作圖以贈行宋王屬余作歌

西湖綠淨不容泥中有數船劃流過吳天秋只客三人越
夜月無舟一個炤溪螺髻盡斤竹夾水精藍半高座聽來
撥刺白魚響看罷周遭紅葉大一航柱頰無所作音一航
跛脚只高卧一航禪榻雜歌板濃淡雲山足功課參差減
沒若相背欵乃空濛如見邏忽憶東華塵垢瘦馬斃其
牛夜磨詎比湖山臂堪把但說錢刀面須唾屈子江潭此
亦得司州印渚誰能那乏貲林老更顛狂一幅圖成十日
餓

宋荔裳曹顧菴王西樵招集劉峻度葭園分得山字

借得秋城屋數間再携吟屐看青山樽因屢合在名滿曲
為將離旅鬢斑何處砧能催獨夜此中坐覺少雙鬢是夜竟後

得心情頓類桓宣武滿眼烟條不忍攀

廣陵懷古

分咏
康山

西風一夜生落葉秋山徧昔人山尚存此山人不見緬昔
康德涵策名領群彥蟻視諸貴游鸞吟栢梁殿劉瑾本奄
奴詎惜破其面繞指爲友生好語暱相善指救李夢
陽一事高情
甘脫誤大畧兼狂狷垂老邁迤邐浮家守貧賤游屐到江
淮茲山愜登踐節逝愴具腓憂來泣維霰我生慕英姿喟
焉結遙眷聞其工琵琶循聲會入變惜哉余後時不識康
修撰

送汪舟次游攝山同王西樵吳野人賦

汪生惘惘不自得掉頭告我尋烟巒爲言忽復發奇興攝
山山寺青巒屹松毛蒼翠應倒掛楓皮皴裂蟲相攢牛頭

雞籠態崎麗未若茲嶺饒空寒我聞此語意已至復贈
什紛琅玕司勳長句頗光怪東淘野叟工吟歎臨行亦復
強予作劇賜鉢胃神爲禪茲山靈異說不盡竟陵王昔曾
盤桓清才朱邸太妍好那識世有蕭家鸞雕鐫龍鬼塑臂
脚後人頗惜青山癡君行寒月歷澗壑脚踏冰雪行蹒跚
登高懷抱定奇妙媿我傍險無銀鞍酒闌吟苦色怱悵卧
聽塔雨何時殘

爲宗梅岑題東原讀書圖

披圖忽覩東原路乘勢疾作東原歌歌辭刺促不稱意冥
搜便欲凌坡陀宗生健者吾老友吳郎西作畫推老手陳
子歌行頗兀鼻長句亦能滿人口此時十月天氣寒百憂
欲集紛無端東原老樹亦何限枳花榭葉都應丹好書讀

無數白頭仍不遇胡爲窮年死章句東原風物故自佳但
悉君爲讀書誤溪流一帶大坦迤亟買村南捕魚具

廣陵秋興和王雪洲給事

風牀欹草閣單枕怯江聲正值三秋暮寥然一雁鳴扶筇
支客路挾瑟緩鄉情獨夜燕城裏含悽惜此生

其二

我讀枚生賦來觀八月濤昔人如可作雖老尚能豪醉眼
貪紅燭微軀誤寶刀忽思關塞客霜色壓征袍

其三

笛聲誰入破不管是秋宵颯沓新愁滿蒼涼舊事遙樽空
呼白墮家破失金貂橫竹吹應裂吾狂擬射潮

其四

落葉居然下空堦積已淡每於跛脚處微作洛生吟老髮
經交態殘鐘驗客心鈎簾彈楚調感激不成音

送張若思歸姑孰

張生昔全盛家門鞵丹轂飛蓋擬應徐鳴鞭抵潘陸一朝
倏失勢世事愁跼蹙涼風同作客攜手燕城宿年少辭故
鄉天寒傲茅屋余也感遇均因之過從熟矧君善清吟新
篇美堪讀昨見沈休文方言君歸棹速杳靄秋江帆烟中
是姑孰

丁未

春雨遣興示吳中一二朋好

去歲清明好時節寄奴城下啼百舌江頭鯉魚尺半長鱸
向金礎落紅雪前年三月游揚州柳絲濛濛低拂頭板渚

少年頗解事留客竟上倡家樓東風染就春流碧今年又
作吳門客男兒飄蕩絕可憐信美湖山復奚益阜橋朋輩
多情親傾心寫意於我真白日飲酒夜擊鼓約我且踏胥
臺春君不見蟠螭山前風雨大湖雲如綿不肯破辛夷花
落游人稀跛脚高眠一春過

丁未春日范龍仙年叔相約讀書芝蘭堂長句奉贈
兼呈宋旣庭李西淵金穀似王升吉錢宮聲韓元
少諸子

四十男兒學干謁朝游江淮暮吳越漫將衣食累朱門詎
有文章動金闕倦游屢歲賦歸歟故人相值還唏噓勸我
莫作千里客留我共讀三冬書憶別吳閫一年久爲我糟
床壓春酒入座爭迎作賦才當筵更覓彈箏手酒酣慨

喚奈何風光一往如流波女墳湖北鶯猶少短簿祠南雨
正多君家奇書一千軸錦袂牙籤光歷碌願隨潘左伴青
緇羞與金張鬪華轂嗟余短髮日蒼浪太息憂來未可忘
鼓撾馬稍差亦得若問讀書非我長

吳鳩懷自松陵拏舟相訪數語別去作短歌送之
吳妹丈也

君從吳江來復向吳江去津亭水驛兩三重此是愁人腸
斷處絕憐小妹慣離君嫁後經年信息疎正是他鄉寒食
近不堪望遠更躊躕

東吳廣壁

二月姑蘓柳正濃思君惆悵不相逢夜來春雨淋鈴響錯
認寒山寺裏鐘

吳時館
楓橋

吳門晤丁飛濤卽送其之毘陵

吳地逢君草色新
若爲送客更傷神
玉關縱入形容老
錦瑟纔彈涕淚頻
水盡南天連驛路
鶯啼北郭攪離人
蘭陵鎮上須回首
我在姑蘇已暮春

開河 新樂府

前年大水廬舍沒
今年無雨井泉竭
江南江北盡開河
官司夜點開河卒
朝開河暮開河
河身龜坼將如何
千夫畚鍤競邪滸
淤泥堆積成陂陁
三日開一尺
五日開十步
監河使者河上住
虎鬚錦繖一何怒
岢峩大編誰家子
楓林祭賽刲羊豕
船頭打鼓催發船
那得河中一杯水
官倉罵吏罵夫爾
曹飽飯何爲乎
河夫聞言淚雙墮
家貧路遠夫常餓
君不見河乾田焦冬復春
滂沱須賴皇天仁
缺叙

淘得送沽酒官莫枉却開河人 邪滸原 本邪許

短歌行

有客在堂有酒盈觴
持觴不飲憂來難忘 解一
慷慨悲歌以里終古
仲尼旅人獨自愁苦 解二
明月滿天西風颯然嗟彼人生
疇能百年 解三
空城蒼茫登高斷腸
烈士失職誰爲故鄉 解四
坎坎擊鼓烏烏擊缶
子如不歡豈我無酒 解五

拙政園連理山茶歌

拙政園中一株樹
流鶯飛上無朝暮
艷質全欺茂苑花
低枝半礙長洲路
路人指點說山茶
潑灑交枝映晚霞
此日却供游子折
當年曾屬相公家
吳宮花草今蕭瑟
畧記相公全盛日
隱隱朱門夾道開
娥娥翠幌當窗出
平津休沐自承恩
炙手熏天那可論
買來大宅光延里
占得名都獨

樂園霍家博陸專權勢石家衛尉耽聲伎燭下如山博進
錢橋頭似水鳴珂騎政事堂西奏落梅黃扉恰對綉簾開
月底騎奴長戟衛花時丞相小車來小車長戟春城度內
家復道工詞賦賦就新詞易斷腸銀箏鈿笛小秦王鏡前
漱玉辭三卷篋裡簪花字幾行鵲機忙春織錦鴛鴦瓦
冷夜燒香三月雙棲青綺帳三春雙宿鬱金堂雙棲雙宿
何時已從此花枝亦連理沼內爭看比目魚塔邊賭摘相
思子花枝傍更發新條玉樹聯翩勢欲高自謂春人鬪春
節誰知花落花朝興衰從古真如夢名花轉眼增悲痛
女伎纔將舞袖圍流官已報征車動此地多年沒縣官我
因官去暫盤桓堆來馬矢齊粧閣學得驢鳴倚畫欄遼陽
小吏前時遇曾說經過相公墓已知人去不如花那得花

開尚如故回首繁華又一時白楊作柱不勝悲只今惟有
王珣宅古木千年叫子規

春日雜感

吳關風雪共銜卮昨歲逢君說路岐北去殘年仍作客南
歸孤館恰相思三春鶯語離亭外二月人來細雨時今夜
西窗重剪燭故人真與話心期

初至芝蘭堂

其二

吳山綠管雜清謳曾與羣公坐寺樓半醉偶經前日路重
來深感昨年游孤城寂寂花空落斜日漫漫水亂流滿眼
酒壚人不見好憑隣笛動春愁

追感葉聖野侯研德
宋疇三章湘御諸子

其三

輦路迢迢綵仗開君王扈蹕有鄒枚已聽天上鶯初囀又

報雲中騎早催柳拂六街迷玉樹花飛百尺見金臺憐予
獨宿春城暮潦倒深慚作賦才

時春榜初放

其四

與爾當年共隱淪若爲怙悵誤風塵一樽慣下中年淚萬
事徒傷去國春白草琵琶鄉思切渾河烽火客愁新李陵
臺畔應思我寒雁南歸是故人

懷吳漢槎

花朝

晚渡雨初歇故園書未來今朝花有意休傍客窗開

荷蘭國入貢歌

一人屈紆立且蹲血色之鬚光磷磷十指裹革不得伸一
人羈鼻皮肉皴錦襜兩頭穴若困以手藏之手不龜其餘
賤者數十人相隨市上行魏魏桃花鬢髮飄魚鱗寶刀切

菜兼切銀俗愛禮數能謹馴恭敬掀却頭上巾觀者雜沓
填城闔問事不省顏色嗔嚶啞啞微鼓唇船中貢物錯
疊陳琥珀大者如車輪珊瑚一丈顏色新沉檀迦楠高等
身有時拉折摧爲薪白牛香象尤絕倫竹批雙耳不動塵
下視凡馬徒狺狺嗚呼中朝儉德薄海臣不寶珠玉惟仁
親史書康熙六年春荷蘭之國皆來賓

題顧茂倫濯足圖

顧生顧生爾胡有足不上白玉塔亦不踐黃金闕半酣以
後旁無人笑謂王侯脫吾襪又胡不着高屐踏倡家樓跋
珠履游公子門胡爲芒屨日蹶躓此中有鬼愁心魂君不
見太湖萬頃水雲白喧虺惡浪日瀟渚其上嵌空多怪石
翻身失脚八千尺踏着卽是蛟龍宅顧生大笑吾何求一

生兀鼻百不愁金盆盛酒污吾足斥之濯向春波流語君
輟洗且歸去漁歌渺渺前灣暮

清明虎丘竹枝詞

春雲的的綠堪染吳田漫漫青欲流江南二月足風景好
在閶門水閣頭

其二

神前呵殿隸人忙繡勒珠牌七寶裝贏得村農爭走匿昨
儂曾見汝催糧

其三

櫻桃花落薺花開盡目靈旗閃碧苔愁殺叢祠諸聖女晴

春不放出城來

吳俗是日賽會諸社神悉
至虎丘今歲當事偶禁

其四

峩峩不動綠雲鬟家住楓橋灣復灣趨取紅衫新借得明
朝更到上方山

贈階六叔

我生失計耽雕蟲叔也磊落真英雄神明似服五石散意
氣競挽千鈞弓憶叔少年便通籍雕鶚得勢摩蒼穹中年
作官更作達閩嶠出鎮生英風楓亭荔枝十八娘顆顆都
作堆盤紅擘肌飽啖意已快竟欲拂袖歸江東噫吁噫我
家乃在瀟湖之濱國山之陽叔家乃在韓王之城公路之
浦十年隔絕不得見腹中車輪莽撐拄饑寒衰謝日偏側
何處相逢說愁苦今年夏月揚州城始遇吾叔言平生夜
闌軟語話不盡十里街鼓鳴棖棖我家畫扇百餘軸乃是
仇沈文唐之妙筆發袂能令波浪驚披圖解使蛟龍出叔

也得之喜無匹近聞神物亦相失世間萬事盡如此叔乎
叔乎亦老矣何況衰宗老孫子先處士有畫扇百餘皆係
一時墨妙樓山集中書畫
扇記是也甲申先處士中馬阮禍拘守錦
衣衛客某者寫扇歸吾叔近亦散失故及之

題種瓜圖

瓜塍沿老屋三兩荷鋤去各自有經營甯然不相顧

題曹渭公表弟半山樓

不上茲樓踰十載今朝重上更空蒼故添鳥几牽人住頓

露青山引客狂

山舊為樓垣所掩
渭公近始拆去

舊夢鶯花消半劫隔隣

楓櫛冷千章題詩莫怪頻相負明發孤篷又越鄉

時余又
將渡江

偕李瑤田曹渭公弟半雪出城南訪叙彝上人不值

因晤雲間顧鳳游并懷其同寓蔡竹濤

欲寒天氣未寒時惆悵無緣會阿師歷歷菱塘斜日下冷

冷竹院野風吹茶瓜屏當來難負書畫經營坐不辭大有

好詩人不見夕烟吟望起疎籬

渭公時咏竹濤野沼蓮開
西子面寒風潮帶伍胥愁

之句

與李瑤田劉維祺小飲邵生家兼聽其絃索卽次劉

安劉先生韻

脆管零絲不忍聞衣香帽影綺窗分曲中流水琴雙鎖簾

外斜陽雁幾群紅燭去年同作客

余與生曾
同客如臯

白頭故國又

逢君心情倚醉誰能那忽憶天涯有阿雲

結句懷
九青也

再同諸子過叙彝上人半畝居茗坐移日并迺運盡

城南諸勝至五橋庄而返

昨涉城南歸餘興猶飛翾相約越日游莫負半畝園言出

食不得擾擾縈心魂晨興日初旭游情來叩門遂着向時

展再踏疎籬根出郭蹊徑熟到寺器鉢存別日曾幾何祇
覺黃葉繁爽塏坐南榮豁達敞北軒青山似故舊再見情
彌溫因眺溪上帆并數烟中村曲折憶所歷屑瑟難細論
我友挈蔬脯禪室開青尊所愧爲地主客乃供盤飧時瑤田携
具但酌勿復辭樵風正潺湲何當再來過溪水聞此言

吳門道中聞弟緯雲留燕不歸悵然寄咏

諸翁作人俱性癖清狂阿緯更崎嶇極知彈鋏非長策虛
擬橫鞭或壯圖骨肉艱難千里隔關河風雪一身孤白頭
細雨愁聞此況值寒蓬夜入吳

其二

王謝堂前事已非舊巢雛燕各翻飛睢陽贅婿形骸瘦督
亢征夫信息稀時四弟在宋三弟在燕枕上河聲衝獨夜夢中歸路

怯重圍如余亦儻城南屋月黑衝泥乞食歸

雪夜集季滄葦先生靜思堂送李瑤田先歸崇川

客行多烈風節序忽已殘大雪填城壕泥污無時乾李子
作急裝忽別慘不歡四野盡皚皚長路浩漫漫憶昨與子
游問渡來江干帆檣駭歌仄惡浪摧心肝曉行共童僕夜
坐分盤餐如彼鴛與鴛曷令羽翼單主人况愛客此誼古
所難賦詩悉竒麗齊瑟還雙彈而我髮種種心短力亦殫
瞪目無一言但惜杯行闌男兒重然諾下士羞饑寒寶刀
一入手局促非所安莫嗟竒毛困終驗天地寬語深夜向
晨起就中庭看且復從此辭翻飛何足歎僕亦將告歸徐
當命征鞍

留別滄葦先生暨令弟方石仍用前韻

昔聞李元忠徒步詣高歡一吐磊落詞羞與齷齪看又聞
太史公作書報任安其言絕沉痛豁達開心肝恒怪鄉里
兒到處攀車闌黥奴夾馬食此客母乃殘吾生負兀昇兼
畏行路難百憂煎肺腸墨潘爲之乾晚節遇侍御頓令懷
抱寬欽其天廟器肅然見高寒令弟才不羈神駿脫轡鞍
振鬣萬馬瘖伯樂發長嘆我來貪知己汲汲類有千古稱
一飯恩詎第因盤餐明年桃花潭歡笑正未殫獨惜暫分
手羈鳥愁孤單又念行復來別淚何必彈長揖竟出城北
風雪漫漫

陪滄葦侍御過廣福寺觀道場仍用前韻

八十季太公矍鑠猶據鞍城中十萬戶所恃無饑寒令子
侍御君善行未易殫一心活邦國當饑不及餐用意於不

覺此事人所歎方其出奇計有若齊田單父老用德之感
激鑄腎肝爲設八關齋糜乳供阿難寺側余僦居其時凍
雪乾侍御禮法幢携我着屐看羸提極精進人天大喜歡
媿余五濁土塵劫何迷漫十指如懸椎對佛不敢彈拔劍
斫彘肉兼復喜鱠殘焉得斷葷血飽飯隨豐干驅愁去天
上頓令胸膈寬晚照僧寮燈欲睡何能安雪月滿墻頭唄
聲方未闌

送沈馨聞歸嘉禾兼示禾中舊游仍用前韻

燈下追昔游酸風吹夜闌憶在樵李城折節延古歡相逢

必老輩脫口無疑難城南鴛鴦湖水勢百丈寬故人俞右

與屠閩伯邀我出郭看是日記大醉折脅墜馬鞍細事極不

忘展轉紫肺肝婁家包子厨嘉興婁包最有名脆美載食單又有

三絃老嘉定陸君竟上高樓彈別來十載強撫事增長嘆
 今冬客江北蕭條風雪寒一揖驚瘦沈謹叟投七餐瑣屑
 詢里巷急遽焉能彈側聞角里街舊物多凋殘君歸語所
 知陳子頗平安獨是不能書穿鉅庫口干所以闕鯉魚老
 淚徒瀾漫欄前雪漸消滴瀝何時乾

雪霽將發滄葦先生復堅為三日留是夜同諸子重

集靜思堂仍用前韻

僕夫杖馬箠趣我上馬鞍衝泥走相別苦辭歲已闌答言
 姑且留別易會面難君看雙蠟燭淚亦不肯乾回憶數日
 中勝事詎易殫舞衫歌板窟爛熳霑盤餐歌舞者伊誰陽
 文與段干悲栗為我吹坎侯為我彈幼眇美人曲摧塌烈
 士肝更上習家池犯此冰雪寒倚醉踏絕壁見者噤齒看

但少避債臺畧使詩逋寬人生重行樂年少欺衰殘念此
 語僕夫且罄當杯歡馬為返其槽輪亦不須安舉頭便食
 酒淋漓汗漫漫誓令雙黃鵠羽翮不復單僕夫默不言倚
 柱徒嗟歎

延令雪後過季吏部嘉樹園

浙浙雪仍滴粼粼冰未殘絕宜新月映差許素琴彈落葉
 扣哀壑疎鐘答遠灘居朕城市內難得此空寒

其二

蝟腹松皮縮蛇條橘刺長真成斤竹嶺詎減輞川莊傍險
 嫌泥滑題詩怯手僵平生慕幽勝垂老願能償

其三

緩步趣方愜墟烟倏以興客愁殘臘去園記昔游曾余去冬曾

一游
茲園更莫掃林雪問誰搖夕燈空將騷屑意歸語石堂僧
余方寓
廣福寺

丁未冬月黃子珍百伯母太夫人稱八十觴是歲珍
百亦復六十長歌奉贈

兄作楚江令奉母楚江居懷中洞庭橘枿裡武昌魚兄今
罷官歸壽母當寒夜婦子大擊鮮賓朋日行炙憶兄與我
初定交我時覈語牙齒聲庭前老木多鸛雀升樹只欲攀
其巢中年跳擲捷飛走與兄作達無不有硬句甘遭花鳥
污肥腸詎覺容顏醜酌酒勸兄兄勿辭有酒不飲真大癡
吾聞祝融之峯七十二其上巖岫多幽竒赤嶽丹砂母可
膳二酉秘籙兄可披况復聖世重民牧專城莫歎爲官卑
卽今腰組解亦得猶勝陳生炊爨屢母今八十兄六十膝

下鳳雛還玉立如山紅燭十丈長靈璫仙磬喧兩旁題詩
却美安仁宰樂事君家不可當

丁未除夕

有弟有弟在亳村手足皸瘃寒無禪矮屋三間絕歌側其
內書籍無一存一兒河邊赤脚走一兒二十難成婚焉得
致汝一斗酒與汝醉擊老瓦盆

除夕與諸公分賦同用九佳韻

今夜堂堂又將去椒盤却喜同吾儕生無百歲休感激坐
有一客能詼諧鷓鴣枝借棲不穩鸚鵡賦成悶可排丈夫
老大竟如此短衣來歲仍天涯

第 35678 号

平成 3.11.22

聖和学
園短大
図書館

928

4

6

湖海樓詩集卷二
三
愚山堂

號
SS. 11. 8
學 味 室
大 學 園
館 書 圖

周

